

JESU KRISTE WA GO SWANA MAABANE, LEHONO, LE GO YA GO ILE

歌唱 Šegofala. Ke a go leboga, mohlomphegi. Go bose kudu go ba fa bošegong bjo. Ke letile nako ye ka tetelo ye kgolo. Re tla go toropokgolo ya lena ye botse e ka ba dikgwedi tše tshela tša go feta, thwi morago ga Krisemose, gomme re be re diilela fa le lena. Gomme letšatši le lengwe ge ke sa le ntle le Ngwanešu Tony Stromei, ke . . . Re wele ka kgopolole gore go tla ba bose go tsebana pele re swanetše go tloga. Gomme re naganne go tla ba bose go ba le lesolo le lennyane tlase fa, go hwetša . . . bohole re tla mmogo le go ba le kopanelo go dikologa Lentšu la Modimo. Gomme ke . . .

2 Ba bantši ba baena ba ke kopane le bona, gomme ke etela tše dingwe tša dikereke tša bona le go hwetša kamogelo ya go makatša kudu. Gomme ke nagana ke selo se sebotse gore bohole re ka kgona go kopana mmogo bakeng sa mašego a se makae a bjale, go kopanelo go dikologa Lentšu la Modimo. Re a tshepa gore e tla ba katlego ye kgolo go letago la Modimo, le go agelagodimo morero wo Jesu a o hwetšego, ke gore, gore A be le kereke ya go hloka sepatsa le lengalatsepa ge A bowa. Bjale, ga re emele mokgatlo wo o itsego. Re no tla bjalo ka kerekemohlakanelwa, go kgobokana mmogo le Mokriste yo mongwe le yo mongwe, gore re be le kopanelo ye mmogo.

3 Gomme re ya go rapelela batho ba ba babjago. Gomme makga a mantši, ge o bolela go rapelela balwetši, gona ba re, "mofodiši yo Mokgethwa." Aowa. Ga—ga ke dumele go na le eupša yo Mottee, gomme yoo ke Kriste. Re . . . Dinako tše dingwe ba kgomaretša seo godimo ga gago, bjalo ka mofodiši yo Mokgethwa, eupša ka baka la gore o rapelela balwetši. Eupša ga ke dumele gore go rapelela balwetši go tla go dira bontši bofe bjä mofodiši yo Mokgethwa go feta ka mo go ka go dirago Mopholoshi yo Mokgethwa go rapelela balahlegi. Kafao re a tseba gore re ka se be Mopholoshi yo Mokgethwa goba mofodiši yo Mokgethwa.

4 Re dumela gore dikholo tšohle tše kgolo tše tše ipshinago ka tšona lehono ka go ekonomi ye ya Bokriste re nago le yona, tšohle di rekilwe kua Khalibari ke Morwa wa Modimo, Jesu Kriste. Re a dumela gore "O gobaditšwe ka baka la dikarogo tša rena. O tlapirigantswe ka baka la makgopo a rena. Kotlo ya khutšo ya rena e be e le godimo ga Gagwe, gomme ka megogoma

ya Gagwe re fodišitšwe.” Yohle ke lebaka le le fetilego. Ke selo se sengwe se Modimo a re diretšego sona kua Khalibari. Gomme, bjalo ka Bakriste, re na le tokelo ya go ipshina ka ditšhegofatšo tše A re reketsego tšona.

⁵ Kafao, kagona, ga go motho a ka kgonago go phološa yo mongwe. Ge go ka be go bile bjalo, Jesu o be a se a swanela go hwa. Eupša ge Jesu a hwile kua Khalibari, O rarolotše potšišo ya sebe go ya go ile. Gomme motho yo mongwe le yo mongwe, sebopiwa se sengwe le se sengwe lefaseng, ge A ehwa, o phološitšwe ka wona motsotso woo. Ye nngwe le ye nngwe... Poreisi e lefilwe, ka go felela. E be e kgotsofaditšwe kudu go fihla Modimo o tsebagaditše gore e be e le therešo.

⁶ Bjale, selo se nnoši re swanetšego go se dira, go amogela se, ke go se amogela, go se dumela le go se amogela. Eupša ga go kgathale gore ke bontši gakaakang gore O hwetše phološo ya rena, re—re swanetše, renabeng, go e amogela bjalo ka boitemogelo bja rena beng bja sebele, tlhologelo ya rena—ya rena beng. Re swanetše go nyaka go phološwa, le go dumela gore godimo ga motheo wa Madi a Gagwe a tšholotšwego gore re phološitšwe ka morago ga ge re kgotsofaditše dinyakwa tša Beibele.

⁷ Ke dumela ka go Beibele go beng kutollo ya go tlala ya Jesu Kriste. Bjale, ke a dumela gore Modimo a ka kgonago go dira dilo tše di sego tša ngwalwa ka Beibeleng, gobane Yena ke Modimo. Eupša ge feela re ka kgonago go e hwetše ka Beibeleng, bjalo ka tshepišo, gona re a tseba ke therešo, gobane le—le Lentšu ke therešo, ka mehla. Gomme kafao re Mo dumela go boloka tshepišo ya Gagwe.

⁸ Ke a dumela gore Yena ke ramaatlakamoka. Ke a dumela Yena ke mohlokamagomo. Go beng mohlokamagomo, O tsebile dilo tšohle. O tseba dilo tšohle. Mengwaga ye milione pele go eba lefase, O tsebile re tla dula thwi fa bošegong bjo. Ge go se bjalo, Yena ga se mohlokamagomo. Gomme ge A—gomme ge A se mohlokamagomo, gona Yena ga se Modimo.

⁹ Kafao re dumela gore Lentšu, Beibele ye, ke Lentšu la Modimo, gomme, kagona, gore—gore o ka lekeletša soulo ya gago godimo ga legato e ka ba lefe la Yona. Yeo ke tsela e nnoši o ka kgonago go ba le tumelo, ke go dumela o na le... Tumelo e swanetše go ba le lefelo la go kgwaparetša felotsoko, gomme e swanetše go kgwaparetša lefelong. Gomme ga go selo se ka kgonago go tia kudu go feta Lentšu la Modimo, gobane Lentšu ke Modimo. Seo ke se Beibele e se rutago. Kagona, ge Modimo a bolela e ka ba eng ka Fa, modumedi a ka E feleletša ka “amene,” e ka ba eng yeo A e bolelago.

¹⁰ Bjale, ka gobane Yena a le mohlokamagomo, mokgonatšohle, motlalagohle, A ka se kgone go ba se tee ntle le se sengwe. Gomme go ba Modimo, O swanetše go ba yohle ya yona.

¹¹ Bjale, kagona, go beng le magomo boka re le, ngwaga wo re ka šoma go se sengwe gomme re nagana re ne sona go phethagala. Ngwaga wo o latelago, goba mohlomongwe gosasa, re swanetše go fetola monagano wa rena. Go a fapania. Re hweditše se sengwe se sekaoanana gobane, rena, re na le magomo.

¹² Eupša Yena ke mohlokamagomo. Kafao ge A bolela Lentšu, le ka tsela yeo go ya go ile. Le ka se tsoge la kaonafatšwa. Le ka se tsoge la gomišwa. Ge Modimo a bileditše go lefelotiragalo, ka go taba e ka ba efe, gomme ka tsela ye Modimo a dirilego go lefelotiragalo lela, lekga la mathomo, O swanetše go dira go swana go ya go ile ge A biletšwa go lefelotiragalo gape.

¹³ Gobane, ge A ka dira go fapania go feta A dirile lekga la mathomo, gona go ne se sengwe sa phošo. Le a bona? O... E ka se kgone go phethagala. Le a bona? Kagona O dirile phošo ge A dirile lekga la mathomo, ge A dira lekga la bobedi go fapania go feta A dirile la pele.

¹⁴ Kagona, ge Modimo a dirile kalafi go motho go phološwa, ka serapeng sa Edene. O... Ba lekile go hlabolla kalafi ya Gagwe, go kgabola mengwaga ye dikete tše tshela, gomme ba ka se tsoge ba e kgwatha. O dirile, godimo ga motheo wa Madi a a tšholotšwego a motšwasehlabelo wa go hloka molato, gomme ga se nke A e fetola. Re lekile go ruta batho go Kriste. Re lekile go ba kgatlofatša go Kriste. Re lekile mehuta yohle ya ditshepedišo, eupša tšohle di šitilwe. Go ne lefelo le tee feela leo motho a ka kopanago lebaleng la tlwaelo, le la go rapela, gomme leo ke ka tlase ga Madi a a tšholotšwego a Jesu Kriste. Go bile ka tsela yeo go tloga mathomong, gobane A ka se kgone go e fetola. Ka mehla ke Madi, Madi.

¹⁵ Gomme lehono ge re nagana gore re fapania le moisa yo mongwe, le go ya pele, e no se šome. Re swanetše go be re sa amogela motheo woo wa Madi a a tšholotšwego. Gomme kagona, ge Modimo a bileditše go lefelotiragalo, go fodiša motho, O fodišitše motho godimo ga motheo wa tumelo ya gagwe. Gomme ge A bileditše go lefelotiragalo gape, O tla fodiša motho wa go latela ka tsela ya go swana, goba O dirile phošo. Ge Modimo a kile a fodiša motho gobane a dumetše, gomme morago motho wa go latela o bitša ka mohuta wa go swana wa tumelo, Modimo o tlamegile go dira selo sa go swana go motho wa go latela. Ge go se bjalo, Yena ke mohlomphi wa batho, gomme o dirile phošo lefelong la pele. Kafao, le a bona, morago go Lentšu. Ke—ke le dumela ka pelo ya ka yohle.

¹⁶ Bjale re letetše Modimo go re direla dilo tše kgolo. Gomme re a nyaka, ge re tloga, go bona tšhegofatšo e šetše ka toropongkgolo ye. Gomme ke a tseba le tla ba tšhegofatšo go nna, ka gore kae kapa kae ba babedi goba ba bararo ba kgobokanego Leineng la Gagwe, O tshepišitše go ba fao. Bjale, ge go se bjalo, gona bohole re lahlegile gomme Beibebe e phošo. Seo se dira Jesu Kriste fa bjale.

Ge go se bjalo, gona re rera eng, re dumela eng? Le a bona? O mo. "Kae kapa kae mo ba babedi goba ba bararo ba kgobokanego Leineng la Ka, Ke magareng ga bona." Bjale, re swanetše go dira gona, le go dumela, le—le go dumela gore O mo, le go dira mo o ka rego O mo. Gomme elelwang, O re šeditše morago ga ge re tlogile fa, le rena.

¹⁷ Gomme re a tshepa gore motho yo mongwe le yo mongwe a sego a phološwa o tla phološwa lebakeng la lesolo le. Re a tshepa gore go ka se be setulo sa go se be le selo, ka go ye nngwe le ye nngwe ya dikereke tše mo tše di emetšwego, go tloga nako ye go ya pele. Gomme ke a tshepa gore go tla ba le ya fešene ya kgale, tsošeletšo seromelwa ke Modimo e phulegago, go kgabola Tucson mo, yeo e tla no romelago disoulo tše dikete ka Mmušong wa Modimo. Ke a dumela yeo ke thato ya Modimo. Yeo ke tlhogogelo ya Gagwe bošegong bjo.

¹⁸ Gomme ga go motho yo motee a ka kgonago go e dira ka bobonabeng. Go re tsea bohole, mmogo, go goga mmogo, go rapela mmogo, go ema mmogo ka kopano, ka Moya. Le go rapediša ye. Baena ba be ba mpotša gore dikereke di bile le dikopano tša thapelo, pele ga kopano ye. Gomme ke leboga seo kudu. E tla... Ge le kgobokana mmogo go rapela ka mokgwa woo, e fetola seemo sohle, ge re rapela.

¹⁹ Bjale, re ka se leke go le swarelala botelele, ka go mantšiboa a mangwe le a mangwe, gobane ke a tseba le swanetše go tšwela ntle le go ya mošomong wa lena. Kafao re tla leka, bošegong bjo bongwe le bjo bongwe, go le ntšha ka pela, gore le kgone go bowa bošegong bja go latela. Gomme ye e no ba ketelo ye nnyane, bjalo ka ge re tlie mmogo. Gomme re no ba le mašego a mane, ke a dumela. Ke, ke a nagana, yeo ke nnete, Laboraro, Labone, Labohlano. Ya. Go lokile, mašego a mane. Gomme morago re fetša fa ka go otithoriamo ya go swana bakeng sa difihlolo tša Banna ba Kgwebo, Mokibelo mosong, woo, setšhaba se laleditšwe.

²⁰ Bjale, ga se nna mosetsebje. Ga ke ikwele boka mosetsebje magareng ga lena. Ke nna—ke nna ngwanabolena. Gomme kafao ke a holofela gore le ikwela tsela ya go swana ka nna. Gomme bjale, pele re batamela Lentšu, a re batameleng Mongwadi wa Lentšu ge re inamiša dihlogo tša rena nakwana feela bakeng sa thapelo.

²¹ Ramaatlakamoka Modimo, Tatago Morena wa rena Jesu Kriste, Yo a Mo tsošitšego go tšwa bahung gomme a Mmolokilego a phela mengwaga ye yohle... Gomme O a phela go ya go ile o rena ka dipelong tša rena bošegong bjo, o tsea taolo, go re etapele le go re hlahlha. A nke bohole re ineele go thato Kgethwa ya Gagwe, gore A re etepele ka tsela ye A tla re dirago re ye.

²² Re nyaka go Go leboga, Tate, bakeng sa monyetla wo mobotsebotse wo go neela Jesu Kriste ka tsela ya Mofodiši

yo mogolo yo maatla, Mophološi yo mogolo wa motho, Mokgotsofatši go pelo ye nngwe le ye nngwe ya tlhologelo, Go phelega go balwetši, Phološo go balahlegi, Kgoši ye e tlagoo go bakgethwa. O Modimo, re šušumetše bohole, bosegong bjo.

²³ Ke a Go leboga bakeng sa banna ba, badiši ba ba mehlape ya toropokgolo ye, badiredi baena ba bao ba nago le dikota tša bona tše dinnyane gohole go bapa le toropokgolo, moo ba ikwelago kgafetšakgafetša bakeng sa Moya wa Modimo go tla ka gare go ma—ma maphoto a—a Moya wo Mokgethwa, a sepelelagoo ka magareng ga bona le go ba botša se ba swanetšego go se dira, ka fao ba swanetšego go etaapele dinku. Gomme bosegong bjo, go a bonagala Morena, ge Molaetša o swietše go theoga maphotho ale, gore bohole re dumelanelane gore re swanetše go tla mmogo ka go tirelo ye. Bjale etla, Morena Jesu.

²⁴ Re a Go leboga bakeng sa Ramada Inn le bakeng sa matsogo a yona a go bulega go amogela Ebangedi, go re dumelela go tla mo go rapela ka moagong wo wa difehlamoya. Tate Modimo, re a rapela gore go ka se be le motho yo a lahlegilego go tšwela ka ntle ga moago wo ntle le go phološwa. E fe, Morena. A nke... Ge bašomi ba moago wo, ka go Ramada ye kgolo ye, ba se ba phološwa, re a rapela, Modimo, gore O tla ba phološa.

²⁵ Fodiša bolwetši tikologong fa. A nke go tle go phethega gore batho ba tla sepela ka otithoriamong ye gomme ba lle, ka tlase ga maatla a Moya wo Mokgethwa. E fe, Morena. Re hlologela dilo tše. Gomme re a dumela ke thato Kgethwa ya Gago go e utolla go rena bjale, le go re laetsa Bogona bja Gago, gore O mo le go phela ka mehla, le rena go ya go ile.

²⁶ Re šegofatše ge re bea pele matsapa a rena a go fokola. A nke Moya wo Mokgethwa o tle ka gare. Gomme a nke re se nagane dikgopoloo tša rena beng, eupša a nke re be le menagano ya rena e bulege go karolo ye kgolo ya Bogona bja Gagwe, gore re ke re tsebe monagano wa Gagwe, go phethagatša se se ngwadilwego ka Lengwalong, “A nke monagano wo o bego o le ka go Kriste o be ka go lena.”

²⁷ Re šegofatše, Tate wa rena. Gomme ge re tlogela tirelo bosegong bjo, a nke re bolele ge re eya magaeng a rena, “A dipelo tša rena ga se tša swa ka gare ga rena ge A be a bolela le rena mmogo tseleng?” bjalo ka ge e dirile letšatši le lengwe kgale kudu, ka hlatse ya mathomo ya tsogo, ge Kleopa le mogwera wa gagwe ba bowa morago go tšwa toropongkgolo. Re e kgopela Leineng la Jesu. Amene.

²⁸ Batho ba bantsi ba mohuta wa go tšea Mangwalo ao moebangedi a tla—a tla balago go tšwa go wona. Gomme ke a duma, bosegong bjo, go no tšea ditemana di se kae tša Lengwalo le go leka go di hlaloša, ka tsela ya ka ya go kokobela, gore le ke le bone Jesu Kriste. Ke nyaka le phetle le nna bjale go puku ya Mokgethwa Johane, tema ya 12 gomme temana ya 20, ge le

ka rata go ntatela ge re bala. Mokgethwa Johane 20 goba....
Mokgethwa Johane 12:20 le 21.

Gomme go be go le Bagerike ba ba it'sego magareng ga bona ba ba tlidego godimo go rapela monyanyeng:

Ba go swana kagona ba tlie go Filipi, yo a bego a le wa Bethsaida ya Galelia, gomme ba mo kganyoga, ba re, Bahlomphegi, re rata go bona Jesu.

²⁹ Gomme morago ka go puku ya Bahebere, tema ya 13 le temana ya 8.

Jesu Kriste wa go swana maabane, . . . lehono, le go ya go ile.

³⁰ Ke duma go dira se bjalo ka sehlogo: *Jesu Kriste Wa Go Swana Maabane, Lehono, Le Go Ya Go Ilé.*

³¹ Ke be ke tsenetše kereke Lamorena bošego, fa ka toropongkgolo, ye nngwe ya dikereke tša lena tše kaone. Gomme mo ke lekile go etela tše ntši tše ke kgonnego, ge e sa le re eba ka toropongkgolo, gomme ke hweditše kopanelo ye kgolo le kamogelo le Assemblies of God, Mabaptist, le Anderson Church of God, le tše ntši gape tšeо ke di etelago. Gomme ka kerekeng ye, ka morago ga—ga phuluphithi, go bile le Lengwalo, boka Beibele, le ngwadilwe, “Jesu Kriste wa go swana maabane, lehono, le go ya go ile.” Leo e bile mohuta wa go ba kgwekgwe le nna ka masolong, gore ke tla šomiša leo, gobane ke a dumela Puku ka moka ke kutollo ya Jesu Kriste, gomme O a swana maabane, lehono, le go ya go ile. Gomme ka gona bakeng sa . . .

³² Ke rata go aga bakeng sa kgwekgwe ya ka, "Bahlomphegi, re rata go bona Jesu." Gomme ke—ke a dumela, bosegong bjo, gore monna le mosadi yo mongwe le yo mongwe ka fa ka tokologo o be a tla ikwela gore Bagerike ba ba hlagisitše maikutlo a renabohle. Ka gore, ba be ba kwele ka ga Jesu, gomme bjale ba nyakile go Mmona. Ke—ke a dumela gore—gore ga go motho yo a kgonago go kwa kanegelo ya go makatša ya Jesu Kriste eupša se a hlologetšego ka pelong ya gagwe go hwetša go Mmona. Yeo ke—ke . . . Yeo ke tlho—tlho tlhogelgo ya modumedi, ke go Mmona. Gomme ga ke kgathale ge eba Ke yo mokopana, yo motelele, gobas se A lego sona. Ke a Mo rata. Ke nyaka go Mmona. Gomme Yena Yo a mpholositšego gomme a ntiretšego se A se dirilego, ke—ke hlogelgo go Mmona.

³³ Bjale, ga go pelaelo gore Bagerike ba ba be ba le basokologi, go bodumedi bja Sejuda, gobane re a bona e be e le mokete wa Paseka, moo kwana ya paseka e bolailwego, gomme Bagerike ba ba le magareng ga bona. Bjale, Bagerike e be e le ba batho ba talente ya godimo kudu. Ba be ba le dithwadi tša lefase ka bokgabo. Gomme ba rutegile kudu ka saense. Gomme ba be ba le batho ba bagolo. Gomme ba be ba le dirutegi; ba badile dipuku tše dintši. Gomme—gomme se sengwe, ba swanetše go be ba swere se—se sengwe; gore ka pelong ya motho, o hlohogetše go be

hwetša se sengwe seo se timago lenyora le legolo lela le tlogo ka pelong ya motho.

³⁴ A le kile la nagana gobaneng monna a ka dira phošo? Ke ka baka la gore o leka go kgotsofatša lenyora le Modimo a le beilego ka pelong ya gagwe, go Mo nyorelwā. Gomme ka gona o leka go le kgotsofatša ka dilo tša lefase. Le ka se tsoge la kgotsofala go fihla le tingwa ke Modimo Yenamong, go fihla A kgona go tla ka gare le go kgotsofatša tlhologelo ye kgolo yela le lenyora ka pelong ya motho. Go no ba bontši kudu bja monna bjo bo ka se tlatšwego. Ga go selo gape se ka kgonago go tšea lefelo la lona go fihla Modimo a tšea leemo la Gagwe la maleba ka pelong ya motho.

³⁵ Gomme Bagerike ba ba be ba kwele, gomme ntle le go kamaka ba be ba bala Testamente ya Kgale, gomme ba be ba kwele ka ga Mesia yo a tlogo le se A swanetšego go ba ge A fihla. Gomme ba hlogetše go bona se Modimo a tla bago sona ge A tla bonagatšwa nameng, se Monna a bego a tla lebega boka sona yo a bego a tla tlatšwa go fihla magomong go fihla bottlalo bja Modimohlogo bo tla ba ka go Yena. “O be a tla ba eng?” Gomme ba kwele ka ga Jesu, yoo a tleleimilego go ba Motho yo, Mesia.

³⁶ Yoo, Bajuda lebaka la mengwaga ye dikete ba bego ba lebeletše Yena yo a tlogo, moo Modimo Yenamong a bego a tla dirwa motho ka sebopego sa Morwa wa Gagwe, gore a tšwe madi le go hwa. Ka gore go be go se motho yo a bego a ka kgona go hwela yo mongwe, ka gore bohole re be re le molato, mmogo. Motho yo motee o be a ka se kgone go phološa yo mongwe.

³⁷ Gomme go be go swanetše go ba Monna Yo a bego a ne maswanedi. Ka melaong ya kgale, yoo badiredi ba mo tsebago, bjalo ka molopolodi wa lelokokgauswi. E bile... Yena, Modimo, o ile a swanelo go ba wa Leloko go rena. Gomme O kgabagantše tente ya Gagwe—ya Gagwe. Gomme o tlide fase, go tšwa go beng Modimo, Jehofa yo mogolo; gomme a dirwa nama, ka sebopego sa Morwa wa Gagwe, gore Modimo a bonagatšwe. Gomme a be le maswanedi, le wa Leloko go rena, gore A ke a hwe go tloša dibe tša rena, go phološa tlholo ya Gagwe Mong.

³⁸ Oo, kanegelo ke ye kgolo kudu! Ga go tsela ya go e batamela, go tseba ya kgonthe, ka fao o ka kgonago go e hlagiša. Ga go na... Ga se go leleme la motho, leo le ka hlagišago seo lerato leo le lego, gore Modimo o be a tla tla fase, Mohlodi, go phološa tlholo ya Gagwe Mong.

³⁹ Bjale, re hwetša Bagerike ba ba nyorilwe. Ba be ba kwele. “Tumelo e tla ka go kwa, gomme go kwa Lentšu.” Beibele e boletše bjalo. Bahebère e rile, “Tumelo e tla ka go kwa, gomme go kwa Lentšu la Modimo.” Bjale, ba be ba kwele gore go be go swanetše go ba Mesia, kafao nako yeo ba tla go bona. Bona, ba tlide go bona Motho yo a bego a swanetše go ba Mesia yola; Yo a dumetšwego, magareng ga batho, o be a le Mesia yola.

⁴⁰ Bjale, leo ke leemo la go swana le re dutšego bošegong bjo. Re kwele ka ga Modimo. Re rutilwe ka Modimo. Go kgabola mengwaga, re bile le dikereke, dikereke tše kgolo, banna ba bagolo, baebangedi ba bagolo. Eupša ke a dumela re phela mo moriting wa go Tla ga Morena Jesu. Ge, Kereke ye e tlide go tšwa go tokafatšo ka tlase ga Luther, tlhwekišo ka tlase ga Wesley, go ya ka go kolobetšo ya Moya wo Mokgethwa, le go tla go Kereke ya go phethagala ntle le sepatsa le lengalatsepa. Gore, ka Kereke yela, gore Modimo a ke a lopolle morago bakgethwa bohole ba go hlatswiwa ka Madi, le go ba tšeela Gae, tlase go kgabola lebaka. Gomme re . . . Re ba go swana le Kriste kudu, le ka bonnyaneng kudu, nako yohle.

⁴¹ Bjale, re hwetša gore banna ba ba swerwe ke tlala, ba tla go bona ka fao Monna yo a bego a lebega ka gona. Gomme ba botšišitše potšišo, “Bahlomphegi, re rata go bona Jesu.” Bjale, ba kwele ka ga Gagwe, ba kwele ba bangwe ba bolela ka Yena, ba badile ka Yena ka Beibeleng, eupša ba nyakile go Mmona.

⁴² Bjale go sehlogo sa ka, Beibele e rile, “O a swana maabane, lehono, le go ya go ile.” Gona, ge banna ba ba be ba duma go Mmona, gomme Modimo o dirile tsela yeo tetelo ya bona e bego e ka kgotsofatšwago; O dirile tsela yeo ba bego ba ka kgona go Mmona, ka yo mongwe wa bahlanka ba Gagwe. Bjale, ge—ge A swana maabane, lehono, le go ya go ile, gomme re na le tlhologelo ya go hlokokala ya go swana go Mmona, a Yena ga se a tlemega go ipontšha Yenamong magareng ga rena? Bjale, seo ke setatamente se segolo bogolo. Eupša ge Beibele e se nnete, gona re mo kae? Le a bona? Eupša Beibele e rile O a swana. Gomme ge A . . . A ka se kgone go no swana ka mokgwa wo *mongwe*. O swanetše go swana ka mokgwa wo mongwe le wo mongwe A kilego a ba. O re, “O a swana maabane, lehono, le go ya go ile.”

⁴³ Gomme Bagerike ba ba be ba nyaka go Mmona, ka baka la gore tumelo e tlide ka go kwa. Gomme ba tlide gomme ba kgotsofala. Ba tlogile, ba tseba gore yoo e be e le Mesia.

Bjale, ge re duma bošegong bjo go bona Yena Yo . . .

⁴⁴ Re ya kerekeng, ge eba re ikwela boka goba aowa; gomme moo rena, kerekeng ya rena, re lefa dikarolo tša rena. A—a ke go nonwane? A ke go feela mo—mo moago wo re o lefago? A monna yo, yo e lego modiša wa rena, e no ba moekiši wa se sengwe fao go sego selo go sona? A bodumedi bja Bokriste bjalo ka thutononwane ya Segerike goba thutodinonwane ya Seroma, goba selo se sengwe, e no ba nonwane? Goba, a ke nnete?

⁴⁵ Bjale, go nna, Beibele ye e ba gore e nepagetše goba E fošagetše. Lentšu le lengwe le le lengwe ke therešo goba ga go le le tee la Yona e lego therešo. Le a bona? Gomme bjale, ge A dirile tshepišo ye, gona ga se wena le nna re tlamegile go tshepišo ye. Ga se wena le nna re tlemegago go netefatša tshepišo ye. Ke Yena a lego ka tlase ga boitlemo, gobane O bile Yena Yo a e boletšego.

Nnete. Re no be re tsopola se A se boletšego, gore, “O a swana maabane, lehono, le go ya go ile.” Gomme fa go...

⁴⁶ Ke ba bakae mo ba ka ratago go Mmona? E no—e no bolela bjalo, phagamiša seatla sa gago. O re, “Ke—ke rata...” Bjale, go be go le ba babedi kua, feela ba babedi ba bego ba nyaka go Mmona, gomme mo go makgolo a mabedi goba a mararo ba nyakago go Mmona. Gabotse, gona, gobaneng re sa kgone go Mmona ge A swana maabane, lehono, le go ya go ile? Bjale, yeo ke tsela ye re nyakago go e lebelela. E ba gore ke Therešo goba ga se Therešo. Gomme ke ka baka leo ke e hlagišitšego lekga la mathomo. Beibele ye e ba gore ke Therešo goba ga se Therešo. Kagona, ge Beibele e bolela e ka ba eng, o ka no swarelala go yona, gobane Modimo o tlamegile go Lentšu le, ka gore O bile Yena a dirilego tshepišo. Modimo o boletše bjalo, go lokile, go bjalo.

⁴⁷ Bjale, go tla ya le gore o lebeletše eng. Ka mehla o hwetša se o se lebelelago. Ke nyaka le elelwe seo. Bjale, ge o nyaka go bona Modimo, Modimo a ka bonwa. Ge o nyaka go kwa Modimo, Modimo a ka kgona go kwewa. Feel a bjalo ka ge A bile maabane, O bjalo le lehono. Ga A fetoge.

Bjale, e nkgopotša kanegelo ye nnyane, efela ke therešo.

⁴⁸ Ke dula ka Indiana, legae la ka la setlogo. Ke nna Mokentuckian, ka tswalo. Gomme re phela hleng le Noka ya Ohio. Meetse a go lekanel a ya go kgabola fale, letšatši, go dira lethisi go gola gohlegohle Arizona. Dimilione tša dikalone tša meetse di feta tlase letamong lela, gomme go lebega o ka re ka tsela ye nngwe re ka kgonago go le feta. Re na le bontši go feta re bo hlokago kua. Gabotse ke serorobja. Gomme—gomme le hloka meetse mo. Eupša go tla ba, letšatši le lengwe, ka go Mileniamo wola wo mogolo woo o tla tlago, ge sebe se tlositšwe lefaseng, gomme tšona dilo di tla ba gabotse.

⁴⁹ Go be go le motheadihlapi wa kgale a phela tlase nokeng yela. O be a le letikone ka kerekeng ya ka. Leina la gagwe e be e le Wiseheart, mokgalabje yo mokaone kudu. Gomme go be go le sekolo se se itšego sa Lamorena ka toropongkgolo ya rena, kereke ye kaone, kerekeleina ye kgolo ye kaone ya go tsebega ka ditšhabatšhabeng, kopanelo, modiša yo mokaone, le batho ba bakaone. Gomme go be go le lapa le le itšego ka toropongkgolo ya rena, le le ilego kerekeng ye. Gomme go bile le mošemane yo monnyane ka lapeng le yo a bilego le go kgahlega ka kgonthe letšatši le lengwe, ka morago ga go kwa go bala mo gontši ga kerafo godimo ga flanele le go ya pele, go fihla a rile go mmagwe, o rile, “Mama, ge Modimo e le Modimo yo mogolo, bjalo ka ge o re ke Yena, a go ka ba yo nongwe a ka Mmonago?”

⁵⁰ O rile, “Morwa, o swanetše go botšiša morutiši wa gago wa sekolo sa Lamorena. Mme ga a kgone go go botša seo.”

⁵¹ Kafao o ile go morutiši wa sekolo sa Lamorena gomme o rile, “Morutiši, ke tla rata go go botšiša se sengwe. O mpotša ka Modimo yo Mogolo,” o rile, “ ke yo mogolo kudu. O bulu Lewatle le Lehubedu bakeng sa Baisraele. Gomme O dira letšatši go phadima, gomme O dikološa lefase ka phethagalo mo nakong, ka obiting ya lona, le go ya pele.” O rile, “A go ka ba yo a ka kgonago go Mmona?”

⁵² O rile, “Seo se tebile kudu go nna. O tla swanela go botšiša modiša.”

⁵³ Kafao o fihlile go modiša gomme o rile, “Modiša, a go ka ba yo a ka kgonago go bona Modimo?” O rile, “Yena ke yo mogolo kudu. Ke go kwa o bolela go tšwa go Yena, go tšwa phuluphithing, o bolela ka fao A lego yo mogolo.” O rile, “A go yo mongwe a ka kgonago go Mmona?”

⁵⁴ O rile, “Aowa, morwa. Ga go yo a ka kgonago go Mmona,” o rile, “gobane o no se kgone go bona Modimo. Yeo ke phetho. Re no swanela go E dumela.”

⁵⁵ Gabotse, moisa yo monnyane, ga se e lekane. Kafao yena, letšatši le lengwe, o be a na le ngwanešu wa go tšofala, motheadihlapi, nokeng. Gomme ba be ba ile godimo go se se bitšwago Sehlakahlake sa Dimaele tše Tshela. Ke dimaele tše tshela, sehlakahlake, go tšwa Louisville, Kentucky, go ya sehlakahlakeng se. Ba be ba thea dihlapi godimo kua, gomme ba be ba swere dihlapi tše ntši. Gomme tseleng go theoga, go tlile ledimo godimo kua. Gomme kua re na le madimo a mantši, ao—ao a kolobišago, legadima le modumo, le matlorotlora a magolo a pula. Gomme—gomme kafao ka morago ga . . . Ba ile ba swanela go ya lešing le go ya ka morago ga mehlare.

⁵⁶ Gomme ka morago ga ge ledimo le fetile, ba ile morago ka sekepeng sa bona gomme ba thoma go theoga. E be e le nakong ya mantšiboa, goba morago ga sekgaleta, a ke re, gomme letšatši le dikela morago godimo mo ka Tucson felotsoko. Le be le bonagatša seetša sa lona ka lefaufaung, gomme go be go le molalatladi o tlile ntle go kgabaganya bogomapono bja bohlabela. Gomme motheadihlapi wa go tšofala o be a hudua sekepe sa gagwe ka mahuduo a gagwe. Bjalo ka, se sengwe le se sengwe se seswa, pula e be e hlatswitše lerole go tloga, gomme ke nako ya go ratega. Gomme monna a mnoši yo a bego a tlwaetše mahuduo a ka kgona go leboga morethetho wola wa ntlha ya mahuduo, ge sekepe se thedimoga tsela ya sona go kgabola meetse. Maledu a gagwe a mašweu a lekeletše fase, gomme O šwetšepele a šeditše molalatladi wola.

⁵⁷ Gomme mošemané yo monnyane, a kgahlegile, o lebeletše go dikologa go bona se mokgomana wa go tšofala a bego a se lebeletše. Gomme o hlokometše motheadihlapi wa kgale, megokgo ya legakabje e rotha go tšwa maledung a gagwe a mašweu. Gomme mošemané yo monnyane, a dutše ka ntlheng

ya sekepe, o kgahlegile kudu go fihla a kitimela nkong ya sekepe gomme a re go motheadihlapi wa kgale, “Mohlomphegi, ke ya go go botšiša potšišo yeo mme wa ka, goba morutiši wa ka wa sekolo sa Lamorena, goba modiša wa ka a sega a kgona—a kgona go kgotsofatša tlhologelo ya ka go tseba se sengwe.”

O rile, “Ke eng, morwa?”

O rile, “A yo mongwe a ka kgona go bona Modimo?”

⁵⁸ Gomme motheadihlapi wa kgale, kafao a fentšwego ke ya gagwe... potšišo ya moisa yo monnyane, o gogetše mahuduo ka sekepeng, gomme a lahlela matsogo a gagwe go dikologa mošemane yo monnyane. Gomme megokgo e kitima go theoga marama a gagwe. O rile, “Modimo a šegofatše pelo ya gago ye nnyane, hani. Tšohle ke di bonego, lebaka la mengwaga ye masometlhano ya go feta, e bile Modimo.” Ya. O a bona?

⁵⁹ O ka kgona go hwetša Modimo yo montši kudu, ka gare, go fihla o ka kgona go Mmona kae kapa kae o lebelelago. O a bona? Eupša go fihla tlhologelo yeo go Mmona, o ka se Mmone. O kgona go Mmona ka go dikeleng ga letšatši. O kgona go Mo kwa ka go pitšo ya nonyana. O ka kgona go Mmogela mogohle. O ka seatleng se sengwe le se sengwe. Eupša mokgalabje o bile le Modimo yo montši kudu, ka gare ga gagwe, o—o kgonne go bona Modimo mogohle. Gomme ke nagana woo ke mohuta wa tsela ye re swanetšego go lebelela go Modimo, gomme re kgona go bona Modimo kae kapa kae re lebelelago.

⁶⁰ Bjale, eupša, re morago go, “Jesu Kriste wa go swana maabane, lehono, le go ya go ile.” Bjale, re tla—re tla tseba bjang?

Ge ke rile, “Batho ba Methodist, a le dumela seo?”

Ba be ba tla re, “Amene.”

Gomme ke be ke tla re, “Baptist, a le a e dumela?”

“Amene.”

⁶¹ “Mapentecostal, kereke ya Modimo, le go ya pele, a le a e dumela?”

⁶² “Amene. Re a e dumela.” Gomme ke thabile le a dira. Ke a e dumela, le nna.

⁶³ Eupša, bjale, go ka reng ge re ile go dikologa toropokgolo, go hwetša Jesu Kriste, ke mohuta ofe wa Motho re tla mo nyakago? Bjale, O tshepišitše go ba le rena bošegong bjo. Bjale, ge go se bjalo, gona Lentšu ga le bjalo.

⁶⁴ O re, “Gabotse, Yeo ga se ya no šušumetšwa.” Gona, go nna, ka moka ga Yona ga se ya šušumetšwa. Ga ke tsebe ke efe goba ke efe e sego ya šušumetšwa, ge Yona yohle e se Therešo. Le a bona? Nka se kgone go e topa.

⁶⁵ E no ba Lentšu la Modimo lohle. Gomme bjale—bjale, O tshepišitše gore O tla ba thwi fa bošegong bjo, “E ka ba kae ba

babedi goba ba bararo ba kgobokanego mmogo.” A le dumela seo? Ke a le leboga.

⁶⁶ Bjale, gona, ge A le, ke mohuta ofe wa Motho re tla mo nyakago, ge re ile go Mo nyaka? A re ka—a re ka leka go hwetša monna yo a bego a apere kobo gomme a na le moriri wo motelele le maledu? A yoo, a yoo a ka kgona, go ba Jesu? Feela mang kapa mang a ka kgona go apara ko—ko kobo gomme a ba le moriri wo motelele le maledu. Moekiši e ka ba mang a ka kgona go dira seo. Go ne monna ba bantsi ba aperego kobo bošegong bjo, ga ba tsebe kudu ka Modimo go feta ka mo Mokgothu a ka tsebago ka bošego bja Egepeta. Yeo ke nnete. Eupša ga—ga se seo re tla se nyakago.

Re a nyaka, re nyaka mohlomphegi tsoko, gobane O be a se.

⁶⁷ Re tla lebelela eng, bakeng sa mabadi a dipikiri le mengwapo ya meetlwa? Moekiši e ka ba mang a ka kgona go ikapeša ka boyena ka mokgwa woo. E ntše e se Yena.

⁶⁸ Gomme re tseba bjang gore O be a apere ko—ko kobo, le ka fao A bego a apere? Re no e tseba . . .

⁶⁹ A O be a tla lebega bjalo ka diswantšho tše re di bonago, ba—ba bathadi ba di pentago? Aowa. Seo ke seswantšho sa saekolotši seo monna tsoko a bilego le sona, kelello ya gagwe ya se Kriste a bego a tla lebega boka sona. Gomme ge nkabe re ile ka seo, ke ofe a bego a tla ba le nnete? Hofmann šoo, Sallman, gomme bontši gakaakang, ditlhalošo tšohle tša go fapania tša Gagwe, kafao le be le tla gakanega nthatana se A bego a tla lebega boka sona. A O be a tla lebega boka seswantšho sa Hofmann sa Gagwe, goba Sallman, goba ba bangwe ba ka moka ga bona? Ga re tsebe. Ge Hofmann a rereša, gona Sallman o phošo. Le a bona? Sallman o a rereša, ka gona Hofmann o phošo, gomme, le a bona, o be o ka se tsebe o lebelele eng.

⁷⁰ Eupša re tla Mo tsebagatša bjang? Gabotse, re tla Mo tsebagatša ka tsela ya go swana yeo A itsebagaditšego Yenamong mo mathomong, nnete, ka mediro ya Gagwe, ka se A se dirilego. “Ge Ke sa dire mediro ya Tate wa Ka,” O rile, “gona le se Ntumele. Eupša ge Ke dira mediro, le ge le sa dumele, dumelang mediro, ka gore ke yona e pakago ka Nna. E bolela se Ke lego sona.” Re swanetše go hwetša nako yeo, seo, se se Mo dirilego gore a bonagatšwe. Se se tsebagaditšego Jesu Kriste ka gare maabane, e tla ba selo sa go swana se se tla swanelago go Mo tsebagatša lehono.

⁷¹ Bjale, rena Mamethodist re tla nagana kereke ya rena e a Mo tsebagatša. Re tla nagana seo. Ya rena . . . Rena Mabaptist re be re tla nagana kereke ya rena e Mo tsebagaditše. Gomme rena Mapentecost . . . Le a bona? Ke nna tšohle tša tšona. Le a bona? Gore, re be re tla ba. Re nagana gore ya rena e Mo tsebagaditše.

⁷² E a nkgopotša, ke be ke le ka Little Rock, Arkansas. Go ka no ba ba bangwe ba bagwera ba ka ba bakaone ba Arkansas mo.

Ba... Bošego bjo bongwe, ka Robinson Memorial Auditorium, go bile le mo—mo mokgopedi a dutše mokgotheng, yo a bego a na le dikota, gomme o be a rekiša diphensele. Gomme o be a fodišitšwe. Gomme letšatši le le latelago o be a sepela go dikologa, ka dikota tše godimo ga legetla la gagwe, a paka. Gomme o be a le godimo lebatong la boraro, gomme o be a no tšeela lebato ka moka godimo kua. Gomme re be re sa kgone le go rera ka baka la lešata. Gomme o be a goelela le go ya pele, o bile gohle godimo le tlase mekgotheng, ka go lefelo le lengwe le le lengwe la kgwebo, a paka, a dutše khoneng. Gomme o biditšwe, ka go batheeletši, gomme Morena Jesu o mo fodišitše.

⁷³ Gomme kafao o rile, “Ke nyaka go go botšiša potšišo, Ngwanešu Branham.”

Ke rile, “Ke eng, mohlomphegi?”

⁷⁴ O rile, “O a tseba...” O be a le Monazarene. O rile, “Ke go kwele o rera, gomme ke naganne o be o le Monazarene.” Gomme o rile, “Ke bone Mapentecostal a mantši kudu go dikologa, morago yo mongwe o mpoditše o be o le Mopentecostal.” Gomme o rile, “Morago ke kwele yo mongwe, o boletše gore o be o le wa Missionary Baptist Church.” O rile, “Go reng ka se?”

Ke rile, “Yohle ke therešo. Ke nna Mopentecostal Monazarene Mabaptist.”

⁷⁵ Kafao, yeo, yeo ke—yeo ke yona. Le a bona? Re tswetšwe ka Moya wa Modimo. Gona, re banešu le dikgaetšedi ka go Kriste, gomme dikibo tše ga di re selo.

⁷⁶ Ke be ke fela ke diša dikgomo, gomme godimo fa, le moo ke šomilego mo polaseng, le—le godimo ka Colorado. Gomme Hereford Association e fodiša moedi fale ka go Troublesome River. Gomme re na le legora la go phaphamala, le moo badiši ba beilego dikgomo tša bona godimo. Molemiši o eme fale, a bala dikgomo tšela ge di eya go kgabola. Ke eme fale, makga a mantši, ka leoto la ka godimo ga lenaka la sala, ke šeditše balemi. Bjale, go na le mehuta yohle ya dikibo e yago go kgabola fale. Sekibo se sengwe le se sengwe mo moeding se ya go kgabola. Molemiši o be a se a hlokomela dikibo, eupša o be a šeditše bakeng sa theke ya madi. Bjale, theke yela ya madi e be e era gore yeo e be e swanetše go ba motswakohlwahla wa Hereford goba e be e ka se kgone go fula go woo go tšwa moeding wola. E be e ka se kgone go ya ka gare ntle le theke ya madi.

⁷⁷ Ke naganne, letšatši le lengwe, ke dutše fale. Ke ile ka goelela. Ke rile, “O a tseba, ke ka tsela ye go yago go ba Kahlolong. Yena ga a ye go hlokomela sekibo se ba nago naso, eupša ge eba re na le theke ya Madi. Seo ke selo.” Ge—ge A bona Madi, re ka kgona go ya ka gare. Yeo ke phetho. Le a bona? Gomme dikibo tša rena di tla be di lebetšwe kudu, ka nako yeo. Yeo ke nnete. Gomme ke thabetše seo kudu. Ke therešo. Bjale, eng...

⁷⁸ Bjale, ge re ka kgona go bona ka fao A itsebagaditšego Yenamong maabane, gona re tla tseba se A tla bago lehono, gobane O tla itsebagatša Yenamong go swana lehono gore O be a le maabane. A yeo ke therešo? Gona O tla dira mediro ya Modimo. Bjale, A ka se apare . . .

⁷⁹ O be a ka se be le thuto ye e itšego. Ga re na le rekoto ya Gagwe a eya sekolong. Gomme O be a ka se be seboledi se sengwe sa sethakga, gobane re hwetša gore polelo ya Gagwe e be e šokiša kudu—kudu, go fihla, “Batho ba go tlwaelega ba Mo kwele ka lethabo.” Le a bona? Kafao O be a tla no ba Motho.

⁸⁰ Eupsa se se tla Mo tsebagatšago e tla ba boitsebagatšo bjo Lengwalo le bolelago gore O tla ba. Gomme ke ka mokgwa wo re swanetšego go Mo tseba. Gomme yeo ke tsela ye A tsebagaditšwego nako yeo, gobane O be a se Monna yo itšego wa go ikgetha ka seaparo se rilego. O be a se na le mokgatlo wo A bego a ikgantšha ka wona. O be a se ne—a se ne ditshwanelego go tšwa go kopanelo e ka ba efe ye itšego, gore A ka re, “Ke nna wa ye kgolokgolo.” Goba . . . Le a bona? O bile feela le mediro ya Modimo, yeo e netefaditšwego le go bolelwa ka yona, yeo e tla Mo tsebagatšago. Gomme tše o be e le ditshwanelego tša Gagwe. Tše o be e le tša Gagwe.

⁸¹ “Ke mang a ka go Nkahlola ka sebe?” Gomme sebe ke gosedumele. Le a bona? “Ke mang wa lena a kago go Nkahlola? Ge Ke se ka dira feela tlwa se Ke bego ke swanetše go se dira, gona Mpotšeng moo Ke šitilwego,” ka mantšu a mangwe. Le a bona? Bjale, yeo ke tsela ye go tla bago lehono go tsebagatšwa.

⁸² Bjale a re hwetšeng, gona, ka fao A tsebagaditšwego ka go letšatši lela. A e be e le ka kopanelo ye e itšego? A e be e le ka sebopego se se itšego sa thuto? A e be e le ka leswao le le itšego la saense A bilego le lona? Goba a e bile ka bohlatse bja Lengwalo, gore O inetefaditše Yenamong, gore O be a le Morwa wa Modimo? “Phetlang Mangwalo,” O rile, “ka gore Ke Wona a pakago ka Nna.”

⁸³ Mangwalo ke wona a pakago ka Yena. Kafao seo ke se se Mo tsebagaditšego, e bile Lengwalo. Le dumela seo? Seo ke se se tla swanelago go Mo tsebagatša lehono, gona, gona re tla tseba ge eba re be re nepile goba aowa, ge eba e be e le Yena. O be a swana, O tla dira go swana. Bjale, a re tšeeng bjale . . .

⁸⁴ Re bala go tšwa go Mokgethwa Johane, gomme a re nong go e tše ka setu lebaka la metsotso ye lesome goba lesometlhano ya go latela, gomme ka gona re bone ge A ka bonagala le go netefatša Yena ke Modimo, le a bona, re bone ge eba O sa phela. Re a dumela gore Yena ga se a hwa. Seo ke selo se tee . . .

⁸⁵ Ke nna moromiwa. Ke rerile gabotse go nyakile ka go setšhaba se sengwe le se sengwe ka tlase ga magodimo, makga a šupago go dikologa. Gomme ke bone mehuta yohle ya mabodumedi, ke eme pele ga dingakabaloi le tumelothoko ye

nngwe le ye nngwe, ke a thanka, e lego gona, bokgole bjo ke tsebago. Gomme efela, bjo bongwe le bjo bongwe bja wona, Buddha, Mohammed, Sikhs, Jains, e ka ba eng e ka bago, ohle a ne mothomi, gomme mothomi yo mongwe le yo mongwe o hwile. Ba kgona go maraka lebitla la gagwe, gomme šole o robetše. Marapo a gagwe šeale.

⁸⁶ Eupša, Bokriste, go na le lebitla la go se be le selo. O a phela. Gomme selo se sebotse ka yona, re—re... O netefatša gore O a phela. Yena, O mo bjale. Le a bona? Bjale, seo ke selo se Mokriste a ka khutšago godimo ga sona, gore re a tseba gore mabitla ohle ka moka a tletše. Eupša le letee le, go na le lebitla la go se be le selo. “Ga A mo, eupša O tsogile. Gomme re ya go botša baena ditaba tše botse tše.” Gomme O fa, wa go swana maabane, lehono, le go ya go ile.

⁸⁷ Bjale re tla thoma ka Mokgethwa Johane, ka gore re bala ka go Mokgethwa Johane. Gomme puku ye nngwe le ye nngwe ka Beibeleng e tla bega Molaetša wa go swana. E swanetše. Ge e se, ga se wa Lengwalo.

⁸⁸ Bjale re a hwetše, gore, ge A tswalwa. Fa ka go tema ya 1 ya Mokgethwa Johane, re tla thoma go tema ya 1. Ge A tswalwa, re tseba tswalo ya Gagwe; le ka fao Morongwa Gabariele a e tsebišitšego; le Maria mme wa Gagwe; le ka fao A imilwego ka Moya wo Mokgethwa. Gomme ka fao, ka bogolo bja mengwaga ye masometharo bogolo, O kolobeditšwe ke motswala wa Gagwe, Johane; goba motswala wa bobedi, Johane Mokolobetši. Gomme ka pela O ile a tšeelwa ka lešokeng bakeng sa moleko, lebaka la matšatši a masomenne, morago o boile morago ka maatla a Moya. Ka maatla a Moya wo Mokgethwa, O boetše go bodiredi bja Gagwe.

⁸⁹ Gomme elelwang, O ileditše barutiwa go rera gape, goba go dira e ka ba eng, go fihlela ba ile ka maatla a Moya. Le a bona? “Letang lena ka toropongkgolo ya Jerusalema go fihla le hlamišitšwe ka maatla go tšwa Godimo.” Le a bona? Ga wa swanela go ya ntle go fihla e se wena, eupša Modimo, batho ba kgona go bona ponagatšo ya Jesu Kriste ka go wena. Gona batho ba tla dumela, nako yeo, gobane e ka se be wena, e tla ba Yena. “Gomme bohole ba A ba tsebilegopele, O tla ba bitša.” Ba tla e bona. “Dinku tša Ka di tseba Segalontšu sa Ka.” Bjale, re a hlokomela gore, nako yeo, ka pela ge A tsene ka go bodiredi bja Gagwe.

Ke ya go bitša baanegwa ba se bakae.

⁹⁰ Ke nyaka le elelwang selo se tee. Go na le merafo ye meraro feela ya batho lefaseng. Oo, re na le ditšhaba tše ntši, eupša go na le ye meraro feela, gomme yeo ke go tšwa go Hama, Seme, le batho ba Jafete. Yoo e be e le Mojuda, Montle, le Mosamaria. Re hwetše, ge Moya wo Mokgethwa o filwe, Petro a filwe dikgonyo, o O butše go—go Bajuda ka Pentecost, ka Jerusalema; go Basamaria;

gomme gape go Bantle mo ntlong ya Koronelio, Ditiro 10:49. Gomme go tloga nako yeo o bile ka lefaseng bakeng sa mehlobo yohle. Gomme o be a swere dikgonyo, go o bula go merafo ye.

⁹¹ Bjale, Bantle ba be ba se ba lebelela Mesia yo a itšego. Re be re le bahetene, rena Anglo-Saxon. Re bile le mesebe magetleng a rena gomme re rapela medingwana. Gomme re be re se ra lebelela Mesia. Eupša Bajuda ba be ba lebeletše Mesia. Gomme Basamaria, ba be ba lebeletše Mesia, e bego e le seripa sa Mojuda le Montle.

⁹² Bjale, re a tseba gore O tla feela le go itsebagatša Yenamong go bao ba Mo lebeletšego. Gomme yeo ke tsela ye go tla bago ka go Tleng ga Gagwe la bobedi. Lefase le ka se tsebe selo ka Ÿena. O tla no tla, a tsea Kereke ya Gagwe gomme a sepela, gomme bao ba sego ba Mo lebelela ba tla tlogelwa morago. O tla feela go bao ba Mo lebeletšego.

⁹³ Bjale, O tlie go morafe wa gagwe mong, go Bajuda. Bjale a re šetšeng ka fao A itsebagaditšego Yenamong. Selo sa pele re se hwetšago, e bile Andrea mo, le Filipi. Gomme Andrea o be a kwele ka Jesu. Gomme ba ile tlase, gobane ba be ba le barutiwa ba Johane. Gomme ge ba ile bjale . . . Gomme ba hweditše mediro ya Gagwe ye megolo, gomme ba ile gae le Yena. Ba tlie morago mosong wo o latelago, ba kgotsofetše ka bottalo gore yoo e be e le Mesia.

⁹⁴ Bjale re hwetša gore Andrea o a ya gomme a hwetša ngwanabó, Simone, yo moragwana a biditšwego Petro. Bjale, ge le ka ithuta histori ya Simone Petro, yena le Andrea, ba tlie go tšwa legaeng la bodumedi kudu, Bafarisei. Tatago bona e be e le yo mogolo, modumedi wa go kgwahla. Gomme o be a boditše morwa wa gagwe, “Bjale, barwa, go tla tla . . . Bohle re lebeletše tlase go kgabola lebaka bakeng sa go tla ga Mesia, ge e sa le yona tshepišo ka serapeng sa Edene. Eupša bjale, pele A etla, go tla ba le kgakanego ye nnyane kudu, gobane Sathane o ya go lahlela bofora bjo bongwe le bjo bongwe a kgonago, le a bona, go thibela Selo sa kgonthe.”

⁹⁵ Ka mehla O dira seo. Ka mehla O dira seo. Eupša, elelwang, moo o bonago tolara ya bofora, go swanetše go ba tolara ya nnete felotsoko yeo e dirilwego go tšwa go yona. Ge o bona yo mongwe a bapala karolo ya moikaketši, e no elelwa, go na le athekele ya mmapale felotsoko, ye a e ekišago.

⁹⁶ “Kafao, ga go pelaelo gore seo se tla direga. Eupša,” o rile, “bjale, barwa, sese se le se gopolago. Re swanetše go dumela molaetša wa Beibele. Gomme Moshe, mohlanka wa rena, mohlanka wa Modimo yo a re filego ditaelo tša rena le melao ya rena, o boletše gore Morena Modimo wa rena o tla tsoša moprofeta magareng ga rena, wa go swana le yena. Gomme bjale, ge Mesia a etla, Beibele e bolela gore O tla ba moprofeta. Gomme

le a tseba gore re—re a botšwa gore re amogela moprofeta feela morago ga ge a tsebagaditšwe ke Modimo go ba moprofeta.”

⁹⁷ Gomme lena bohole babadi ba Beibele le a tseba gore Lentšu la Morena le tlie go baprofeta, bao ba nnoši. “Lentšu le tlie go baprofeta feela.” Gomme tsela e nnoši yeo monna yo a tla tsebagatšwago... Ba bile mengwaga ye makgolonne. Maleaki a ka be a bile moprofeta wa mafelelo.

⁹⁸ Gomme bjale o rile, “Mesia yo, ge A etla... Go ka no ba Bomesia ba maaka ba tsogago. Go ka no ba mehuta yohle ya dilo di direga. Eupša ge A etla, Modimo o tla Mo tsebagatša. O tla ba moprofeta. Beibele e re O tla ba moprofeta. Gomme Beibele e rile, ‘Ge go na le yo motee magareng ga lena yo e lego wa semoya goba moprofeta, Nna Morena ke tla itira Nnamong go tsebjia go yena, ka bolela le yena ka dipono, le go ya pele. Gomme ge se a se bolelago se etla go phethega, gona mo kweng. Eupša ge se sa phethagale, gona le se mo kwe.’”

⁹⁹ Seo se no ba go botega gomme feela bjalo ka... Seo ke tlhaologanyo. Ge se a se bolelago e le nnete, se swanetše go ba thwi nako le nako. O no se kgone go se thanka. Se swanetše go ba nnete. Ge se le nnete, e swanetše go ba Modimo. Gomme ge e se nnete, gona ga se Modimo. Kafao seo e no ba... Gomme kafao ba tsebile go dumela seo. Bajuda bohole ba tsebile seo, Bajuda ba therešo.

¹⁰⁰ Eupša, ka letšatšing leo, kereke e be e na le selo se sengwe go swana le ka fao e lego ka gona lehono, mohuta wa boleta, gomme e arogetše go dithutotumelo, le go ya thoko godimo ga legoro le ditlhakatlhakano tša... le go hlatswa dipitša. Gomme bjalo ka ge Jesu a rile, “Le tšere metlwae ya lena gomme le dirile Melao ya Modimo ya go hloka maatla go lena.” Ka motlwae wa bona, seo ke se ba se dirilego, bontši go swana le lehono, nako ya go bušeletša.

¹⁰¹ Bjale hlokamelang se. Bjale, ge Andrea a kgotsofetše gore yoo e be e le Mesia, Beibele ga e rekote feela se a se dirilego. Eupša o ile le go tšea Petro, goba leina la gagwe e be e le Simone nako yeo. Gomme o rile, “Simone, ke nyaka o tle le go kwa Monna yo. Moprofeta tlase ka Jorodane o rile Monna yo o tla tla. Gomme moprofeta o boletše gore o bone Moya wa Modimo, boka leeba, o etla godimo ga Gagwe. Gomme o tsebile yo e be e le Morwa wa Modimo. Ke nyaka o tle o Mo kwe. Go na le Seetša, leswao, leo le Mo latelago.”

¹⁰² Kafao ke tla eleletša Simone o be a nyefa gannyane ka go tla. Eupša, mafelelong, ge a sepeletše godimo ka Bogoneng bja Jesu... Bjale, naganang ka yona bjale, re ya go hwetša ditshwanelego, boitsebišo, se A bego a le sona. Gomme ge... ke sa le ka go Mokgethwa Johane, tema ya 1. Gomme ge Jesu a bone Simone a etla go Yena, O rile, “Bonang Moisraele.” O boletše,

gomme o mo tsebile. O rile, “Leina la gago ke Simone. O morwa wa Jona.”

¹⁰³ Seo se tlošitše setatšhe go tšwa go yena. O tsebile bjang leina la gagwe e be e le Simone? Gomme O tsebile bjang tate yola wa go tšofala wa bomodimo pele ga gagwe, yo a mo rutilego tsela? O tsebile yoo e swanetše go ba Mesia. E be e le moprofeta. Gomme ka pela o wetše maotong a Gagwe. Ntle le thuto, ntle le boitemogelo e ka ba bofe—e ka ba bofe morago ga yona, gomme o be a gafetšwe kudu, go fihla Jesu Kriste a mo fa dikgonyo tša Mmušo, le go mo dira hlogo ya kereke ka Jerusalema. Ka gore ka pela ge seo . . . Jesu o itsebagaditše Yenamong ka go re, “Leina la gago ke Simone, gomme o morwa wa Jona,” e bego e le tatagwe. Seo se dirile Jesu ka go phethagala moprofeta yola. Petro o ile a e dumela.

¹⁰⁴ Bjale, re hwetša go be go le yo motee a eme kua, ka leina la Nathaniele goba . . . Filipi, ke a dumela e be e le. Filipi o be a eme kgaušwi, gomme o bone se. Kafao, o be a le Moisraele wa go kgwahla, gomme o tsebile moo go bego go le ngwanešu yo ba ithutilego mmogo. Bjale, ge o kile wa ba ka Jerusalema le go bona moo Jesu a bego a rera, le bokgole bjo Filipi a ilego a swanelo go ya, ke leeto la letšatši go dikologa dithaba, go ya fao mogwera wa gagwe Nathaniele a bego a le gona, yo a bego a le mothuti wa Beibele. Kafao o a tloga, ka pela, morago ga ge a hweditše se e bego e le Therešo. O be a e bone e šoma. O be a kgotsofetše, yoo e be e le Mesia.

¹⁰⁵ Oo, ge re ka no ba le mafolofolo ale, ge re ka kgona feela go hwetsa selo sela sa go swana ka gare ga rena, ge re tseba re hweditše Pheta yela.

¹⁰⁶ O ile go dikologa thaba. Ga go pelaelo gore o hweditše Nathaniele. O tlile legaeng la gagwe, gomme—gomme mohlomongwe o kokotile lemating. Gomme mosadimogatša wa gagwe o rile, “O—O ntle ka serapeng sa morara.” Go molaleng o tsošitše mehlware. Gomme o ile ntle ka serapeng sa morara. Gomme go beng mokgomana wa Mokriste, ga se a mo tshwenya ge a be a rapela.

¹⁰⁷ O be a le matolong a gagwe, a rapela. Mohlomongwe o be a rapela ka mokgwa wo, “Morena Modimo, Jehofa, ke a tšofala. Gomme ke lebeletše le go hlologela go bona Mesia. A nke ke Mmone pele ke eya.”

¹⁰⁸ Gomme ka pela ge a rile, “Amene,” gomme a tsoga, morago go eme Nathaniele. Bjale, hlokamelang, e sego bontši ka moka bja go ya pele. O bile le—o bile le thomo.

¹⁰⁹ Selo sa yona ke, lehono, re na le go feta ka thoko mo gontši kudu le go dira dilo tše dingwe. Gomme a re yeng go leswao. A Yena ke Modimo goba a ga se Yena Modimo? A O a swana maabane, lehono, le go ya go ile, goba a ga A swane? A O—a O sa le Jesu? A O tsogile go tšwa bahung? A O tsogile? Ge A se a dira,

gona e lebale. Ge A dirile, a re direng mafolofolo a ren a thome. A re tlatšweng ka Moya wa Gagwe, re ye go rapela le go thoma kopano. Dira se sengwe.

¹¹⁰ Hlokomelang, o ile thwi go ntlha, “Etla, bona Yo re mo hweditšego: Jesu wa Nasaretha, Morwa wa Josefa.”

¹¹¹ Bjale, ke a eleletša monna yo wa orthodox o apotše diaparo tša gagwe—tša gagwe, go tšwa go kwatameng ka leroleng. O rile, “Ema motsotsa mo, Filipi. Ke go tsebile go ba monna wa tlhaologanyo, eupša mohlomongwe o tšerwe ke kiti, o a tseba. Bjale, fa, re ithuta Lengwalo mmogo. Gomme re a tseba gore... O rileng, ‘Jesu wa Nasaretha?’ Bjale, a o nyaka go mpotša gore Ramaatlakamoka Modimo o tla ya go sehlopha sa fasefase bjalo ka seo tlase kua Nasaretha,” kgole gampempe go feta Tucson, “le go ya tlase fale, gomme,” goba Jeffersonville, moo ke tšwago gona, “tlasetlase fale go toropokgolo yela ye mpe, le go topa se sengwe tlase fale? Gobaneng, o a tseba moprista yo mogolo o dumela gore O tla dira mekgoba go theoga go tšwa Legodimong, a sepelela thwi tlase ka jarateng, o a tseba. Gomme re rutilwe seo.”

¹¹² Eupša, le a tseba, ka mehla ga A tle ka tsela ye re naganago O a tla. Le a bona? O tla ka go kokobela kudu. Batho ba na le yona e lokišitšwe tsela ye ba nyakago A etla. Gomme re—re sepela godimo ga boikokobetšo, gomme fao ke mo o hwetšago Modimo. Borasaense lehono ba kgonas go romela monna ka lefaufaung, ka go obiti, gomme ba sepela godimo ga ntsekana ya bjang ye ba sa tsebego selo ka yona. Oo, o swanetše go ikokobetša wenamong, go tseba Modimo. O swanetše go fedisa dikgopoloo tša gago mong, le go no bula pelo ya gago le bophelo go Yena, gona O tla itira Yenamong go tseba.

¹¹³ Gabotse, ke kgonas go mo kwa a re, “A go ka ba le selo e ka ba sefe se sebotse go tšwa Nasaretha?”

¹¹⁴ “A go ka ba e ka ba eng go tšwa go bapshikologibakgethwa, goba e ka ba eng o nyakago go e bitša? Ge e ka ba eng e eya go dirwa, e tla dirwa ka go kerekeleina ya ka, ka go ya ka. Le a bona? Fao ke mo e tla tlago. Le a bona? A go ka ba e ka ba eng e botse e tšwago go sehlopha se sebjalo ka seo?”

¹¹⁵ Bjale, ke nagana Filipi o mo fa karabo ye kaonekaone yeo motho e ka ba mang a ka kgonago. O rile, “Etla, o bone.”

¹¹⁶ O se dule gae gomme wa se swaswalatša. Etla ikhweletše wenamong. Le a bona? Le a bona? Etla gomme o bone. Tliša Beibele ya gago mmogo gomme o e hlodišiše, bona ge eba ke nnete. Seo ke se yo mongwe le yo mongwe a swanetšego go se dira. Le a bona? “Etla, o bone.”

¹¹⁷ A re šwahlengleng ka gare go poledišano ya bona ge ba be ba eya go bapa le mabopo a Galelia, gomme ba etla go dikologa. Ke kgonas go eleletša, go mo kwa a bolela se, “A o elelwa yela ya kgale... O a tseba, re—re boletše Beibele mmogo. Re dutše

mmogo ka mafelong a magodimong, ge re lebeletše godimo ga Beibele le go tseba seo, letšatši le lengwe. Bjale, Nathaniele, ke nyaka go go botšiša se sengwe. Mesia o tla ba eng ge A etla? Re tla tseba bjang Yena ke Mesia?”

¹¹⁸ Gobaneng, Nathaniele, a le moithuti yo mokaone wa Beibele, o rile, “Gobaneng, O tla ba moprofeta. Nneta, Beibele e rile O tla ba moprofeta. Go lokile, gona re tla Mo tseba.”

¹¹⁹ “A o tseba motheadihlapi yola wa kgale wa go hloka tsebo tlase kua, yo o rekilego hlapi yela go tšwa go yena letšatšing lela, gomme o be a se ne thuto ya go lekanelo go saena rasiti?”

“Ya, ke a mo elelwa. Simone, ya, morwa wa Jona.”

¹²⁰ “Ge ngwanabo a ile gomme a mo tšea gomme a mo tliša godimo mo A bego a le gona, O eme le go mo lebelela thwi ka sefahlegong gomme a re, ‘Leina la gago ke Simone, gomme o morwa wa Jona.’ O a tseba, go ka se mmakatše, Nathaniele, eupša se A tla se bolelago, ‘Leina la gago ke Nathaniele,’ ge o fihla kua. O a bona?”

¹²¹ “Aa, ke swanetše go bona. O a tseba, go bona ke go dumela,” ebile go tšwa Missouri. Kafao re tlile go hwetša, gore ba ile kua tseleng.

¹²² Gomme ka pela ge Nathaniele a tsene ka Bogoneng bja Jesu Kriste, o dirile eng? Go diregile eng ge a fihla mo Jesu a bego a le gona? O rile, “Bonang Moisraele yo ka go yena go sego bomenetša.”

¹²³ Gabotse, seo ka kgontha se phohliša monna. Gomme o rile, “Rabi,” go rago *morutiši*, “ke neng O kilego wa ntseba? Ga se ka ke ka Go bona ka bophelong bja ka. Ke phela dimaele tše lesomethhano go dikologa thaba mo, gomme ebile ga se ka tsoge ka kwa ka Wena go fihla maabane morago ga sekgalela. Gomme mo ke tla go dikologa gomme O—gomme O mpotša gore ke nna Moisraele.”

¹²⁴ Gabotse, o re e be e le ka gobane ka tsela ye a bego a apere. Oo, aowa. Bohle ba Bohlabela ba apere ka mokgwa woo, gomme ba apara maledu. “O Moisraele yo ka go yena go sego bomenetša.” Bjale go reng ka seo?

O rile, “Rabi, ke neng O kilego wa mpona?”

¹²⁵ O rile, “Maabane, ge o be o le ka tlase ga mohlare, pele Filipi a go bitša, Ke go bone.” Jesu Kriste wa go swana maabane, lehono, le go ya go ile. Le a bona?

¹²⁶ O boletše eng? Moprista wa gagwe a ka no ba a be a eme fale. Go ka no ba go bile baswaswalatši ba bantši ba eme fale, bao ba bilego. Eupša o kitimetše godimo go Yena, gomme o rile, “Rabi, Wena o Morwa wa Modimo. Wena o Kgoši ya Israele.” Leina la gagwe ga le phumulege bošegong bjo. Le ngwadilwe ka Pukung ya Kwana ya Bophelo.

¹²⁷ Go be go le bao ba emego kgauswi, ka nnete, ba ba bego ba sa dumele seo. Nnete. Ba rile, "Monna yo ke mmolelelamahlatse. Ke Beletsebubu." Gomme Jesu o retologile go dikologa. Gobaneng? Ba ile ba swanela go araba phuthego ya bona bakeng sa se sengwe. Mediro e be e dirilwe. E—e—e be e le fao. Kafao o rile, "Monna yo ke Beletsebubu, mmolelelamahlatse, goba se sengwe."

¹²⁸ Jesu o rile go bona, "Le bolela seo kgahlanong le Morwa wa motho, se tla lebalelwena. Eupša letšatši le lengwe Moya wo Mokgethwa o etla, gomme ge o bolela . . . go dira selo sa go swana. Gomme ge o bolela lentšu kgahlanong le Woo, le ka se tsoge la lebalelwena, ka go lefase le goba ka go lefase le le tlago." Ga se ya tsoge ya lebalelwena. Bjale, woo e bile moloko wo re lego ka go wona bjale.

¹²⁹ Bjale re na le moloko wa pele o tsebagatšwa. Re ka kgona go goga bontši, eupša a re yeng bjale, gobane re ya go swanela go thoma mothalo wa thapelo. Go be go le Bajuda, orthodox ya kgontha. Mokriste wa kgontha, badumedi ba go bitšwa ke Modimo ba lemoga seo gonabjale.

¹³⁰ Ka gona letšatši le lengwe O be a eya go theogela Jeriko, eupša O bile le tlhoko go feta Samaria. Ke a makala gobaneng? Ba be ba lebeletše Mesia, eupša rena Bantle re be re se.

¹³¹ Eupša bjale re lebeletše Mesia. Le a bona? Le a bona, re bile le mengwaga ye dikete tše pedi, boka ba bile le mengwaga ye dikete tše pedi. Le a bona? Eupša re bile le mengwaga ye dikete tše pedi, re Mo lebeletše. Re kwele ka ga Gagwe, eupša bjale re Mo lebeletše go tla lekga la bobedi.

¹³² Gomme bjale re lemoga gore O bile le tlhoko go ya godimo Samaria. Ke godimo thabeng. Gomme ge A ile godimo Samaria. E swanetše go ba e bile e ka ba ka sekglela, kafao O rometše barutiwa ba Gagwe ka toropongkgolo go reka dijo. Go tšwa toropongkgolo go tlie mosadi yo monnyane.

¹³³ Bjale, ge le nyaka, ge nkabe ke na le nako, ke be nka kgona go ripaganya yeo gomme ka le botša gore ka baka la eng a tlie ka nako yeo ya letšatši. Basadi bohole ba go hlomphega ba swanetše go tla mmogo. Ba babe le ba go hlomphega ga ba amane mmogo. Ba ka se kgone go swarwa phatlalatša, nako ya go swana, ebile le go letšatši le. Bjale, o be a swailwe, mosadi wa tumo ye mpe. Le tseba se ke bolelago ka sona: mmalegogwana.

¹³⁴ Bjale, re hwetša gore o tlie godimo kua e ka ba ka iri ya lesometee ka letšatšing go hwetša, go ga meetse. Gomme a re naganeng, o be a le mosadi wa go goga mahlo kudu. Gomme o be a na le moeta wa gagwe wa meetse legetleng la gagwe. Gomme se mokgwa wa go tla godimo . . .

¹³⁵ Ke ba bone ba bea pitša e tee godimo ga hlogo ya bona, gomme e tee godimo ga noka ye nngwe le ye nngwe, le go sepela, ba bolela boka basadi ba kgona, gomme ba se tsoge ba tšholla

lerothi la wona. Gomme, bona, a tsepamo! Ga ke tsebe ka fao ba e dirago. Eupša, fa, a sepela go bapa, gomme o bile le ye, e ne mekgoko ye mebedi go yona. Morago ba ya sedibeng. E na le lerala, gomme o e theošetša fase gomme wa didimetša meetse, morago wa e gogela morago godimo.

¹³⁶ Gomme se e be e le sediba sa Jakobo, moo Jesu... . Feela ka ntle ga toropokgolo. E be e le sediba sa setšhaba. Gomme moo Jakobo a epilego sediba gomme a noša diphoofolo tša gagwe fao, gomme kafao o be a nwele go tšwa go sona, yenamong.

¹³⁷ Gomme kafao re hwetša mosadi yo a etla godimo go ga meetse a gagwe, gomme a thoma go theošetša pitša fase. A re naganeng gore o be a nagana ka mašego pele. Gomme o theošitše, a thoma go theošetša lerala tlase, ge a kgokile dihuku godimo ga ma—ma matsogo a moeta, go o theošetša fase go ga meetse.

¹³⁸ Gomme o kwele Monna a re, “Ntlišetše seno.” Gomme se—se sediba fale, ge o kile wa ba fale, ke ponagalo ye nnyane, se sengwe boka se fa bošegong bjo. Gomme go na le merara e mela godimo ga leboto. Gomme kafao Mojuda yo o be a dutše godimo go itshama ka leboto.

¹³⁹ Gomme o lebeletše godimo fale gomme o bone Mojuda yo a dutše fale kgahlanong le leboto. Gomme o rile, “Ga se setlwaedi go lena Bajuda go kgopela Mosamaria e ka ba eng. Ga re na le ditirišano mongwe go yo mongwe.” Go sego bjalo, go be go na le kgethologanyo. “Gomme ga re ne ditirišano, seng sa ren. Gomme Wena go beng Monna, gomme o a nkgopela, mosadi wa Mosamaria, go Go tliisetša seno.”

¹⁴⁰ Gomme O be a le Mojuda wa mehleng. O be a se a apara phapano e ka ba efe. O be a le Motho. Ke nagana ba rile, ka go Mokgethwa Johane 6, O be a no ba e ka ba mengwaga ye masometharo pedi bogolo. Eupša O lebegile, o swanetše go be a be a lebega masometlhano, gobane ba rile, “O Monna yo a sego ka godimo ga bogolo bja mengwaga ye masometlhano, gomme efela O re O ‘bone Abraham.’”

O rile, “Pele Abraham a bile, KE NNA.”

¹⁴¹ [Lefelo la go se be le selo godimo ga theipi—Mor.] “... o ka se ke, o se ke wa tla mo go ga.” “Gobaneng,” o rile, “sediba se a sobeletša, gomme O swanetše go dira eng ka eng? O ka kgona bjang go ga?”

¹⁴² O rile, “Meetse a Ke a fago ke meetse ka soulong.” Gomme poledišano e ile pele. Bjale, o swanetše go tšea lentšu la ka bakeng sa se, O be a kgokagana le moyo wa gagwe. Le a bona?

¹⁴³ Bjale, o be a le mosadi, mosadi yo motee a etšwa ka Samaria. Gomme o rile, “Botatawešo ba nwele sedibeng se, gomme—gomme O re O na le meetse ao a lego a magologolo go feta a?” Gomme o rile, “Gomme O re, ‘Rapelang ka Jerusalema,’ gomme botatawešo ba rapetše thabeng ye,” le go ya pele.

¹⁴⁴ Poledišano e tšwetšepele e eya pele. Morago ga lebakana, ge, O hweditše feela se bothata bja gagwe bo bego bo le sona. Ke ba bakae ba tsebago se bothata bja gagwe bo bilego? Kgonthe. O hweditše moo bothata bja gagwe bo bego bo le gona. O rile, "Sepela o tsee monnamogatša wa gago gomme le tle mo."

O rile, "Ga ke ne monnamogatša."

¹⁴⁵ Bjale, elelwang, O dira eng? O itsebagatša Yenamong go Basamaria bjale. Ke ka mokgwa wo A e dirilego go ba—ba Bajuda. Bjale, šetšang se Mosamaria yo a yago go se bolela.

O rile, "Sepela o tsee monnamogatša wa gago gomme le tle mo."

"Gobaneng," o rile, "ga ke ne monnamogatša."

¹⁴⁶ O rile, "O boletše therešo, o re ga 'o na le monnamogatša,' gobane o bile le ba bahlano, gomme yo o dulago le yena bjale ga se wa gago. Gomme o boletše therešo."

¹⁴⁷ Bjale šetšang mosadi yola, mosadi yola wa Mosamaria, yena a arabela go seo. O tsebile bontši ka ga Modimo go feta seripa sa batho ba United States, le a bona, nnete, le a bona, go akaretša badiredi, nako ye nngwe. Ya. Le a bona?

¹⁴⁸ Lebelelang baprista bale ba eme fale. Ge ba bone seo se dirwa, ba rile, "Monna yo ke mmolelelamahlatse. Yena ke Beletsebubu," o leka go naganiša ka tsela ye nngwe ye A e dirilego, boradia bjo bongwe, bofora bjo bongwe. Le a bona?

¹⁴⁹ Eupša mosadi yo monnyane yo o rile, "Mohlomphegi, ke a bona gore O moprofeta." Šetšang. "Re a tseba, re a tseba gore go na le Mesia o a tla, a bitšwago Kriste. Gomme ge A etla, se ke se A tla se dirago." Amene.

O rile, "Ke nna Yena, yo a bolelago le wena."

¹⁵⁰ Seo se be se lekanetše. O tsebile seo se be se le. Šetšang se a se dirilego. O kitimetše ka toropongkgolo, gomme o boditše banna ba toropokgolo, "Etlang, bonang Monna Yo a mpoditše dilo tše ke di dirilego. A le ga se leswao la yena Mesia? Ke neng re kilego ra ba le lona ge e sa le go tloga nako? Mesia wa kgonthe šo."

¹⁵¹ Ke ka mokgwa wo A itsebagaditše yenamong le Bajuda. Ke ka mokgwa wo A itsebagaditše Yenamong le Basamaria. Bjale, bjoo e bile bofelo bja nako ya bona.

¹⁵² Bjale, Bantle ba bile le mengwaga ye dikete tše pedi tša go ruta, boka ba bile le mengwaga ye dikete ya go ruta. Eupša ge Bantle ba sa hwetše selo sa go swana seo ba nago le sona, gona Yena ke tlhompho ya motho. Kafao re tla Mo tseba bjang lehono? Ge A eme le rena, le ka go rena, le go šoma ka rena, le go netefatša gore Moya wo, wo re o bitšago kolobetšo ya Moya wo Mokgethwa, ke Jesu Kriste a itira motho Yenamong ka sebopego sa Moya ka go motho, a dira sa go swana. O rile ka go Mokgethwa Johane, tema ya 14, temana ya 12, "Yo a dumelago," e sego go itiriša go

dumela. Eupša, "Yo a dumelago go Nna, mediro ye Ke e dirago o tla e dira le yena." A yeo ga se therešo?

¹⁵³ O rile, ka go Mokgethwa Johane 5:19. O fetile go kgabola mogobeng wa Betheseda. Ke sa le... Yeo ke tema ya 4 ya Mokgethwa Johane. Bjale ke ka go tema ya 5. Ka go tema ya 5 ya Mokgethwa Johane, O fetile go kgabola mogobeng wa Betheseda. Fao go be go robetše mašaba a magolo. Go tšea dikete tše pedi go dira lešaba le tee. Kafao go ne mašaba a batho ka go sepetlele se segolo se sa semoya, bjalo ka ge go bile, a robetše keiting ya dinku a letetše go hiduega ga meetse.

¹⁵⁴ Modimo ka mehla o bile le tsela ya phodišo Kgethwa ya badumedi. Le a bona? Gomme Morongwa o tlie fase gomme a hudue meetse. E ka ba mang wa lena o a tseba gore meetse a a huduegilego ke eng, le a bona, ke moelawatle o eya ka tsela e tee, gomme phefo e rutha ye nngwe go dikologa. Ke meetse a a huduegilego. Gomme e be e le Morongwa yola a etla godimo ga meetse, a a dikološa go dikologa. Gomme wa pele a gatelago ka gare, ka tumelo, o tlošitše bokwala go tšwa meetseng, gomme a fola.

¹⁵⁵ Jesu o fetile go kgabola sehlopha se sa batho kua, gomme O tsebile moo monna tsoko a bego a robetše, yoo a biledi le bofokodi mengwaga ye masometharo seswai. Ka kgonagalo o bile le bothata bja proseteite goba—goba se sengwe. E be e sa ye go mmolaya. E be e dibilwe. O bile le yona mengwaga ye masometharo seswai. Gomme A sepelela go yena, gomme a re, "A o ka rata go thakgafatšwa?"

¹⁵⁶ Gobaneng A se a e bolela go dihlotsa, digole, difofu, goba batlaišegi? Ba be ba le ka kua le masea a hlogomeetse. Beibele e rile, "Ba be ba golofetše, difofu, digole."

¹⁵⁷ Monna yo o be a kgora go sepela. O rile, "Ge ke etla tlase, yo mongwe o a nthaketša." Eupša, elelwang, O tsebile monna yo o be a le fao. Le a e hwetša?

¹⁵⁸ Gomme O rile, "Tšea malao a gago gomme o ye ntlong ya gago." Ga go potšišo ka seo. O ile pele, ka gore O tsebile o tla e dira.

¹⁵⁹ Ba mo hweditše a rwele malao a gagwe, ka letšatši la Sabatha. O bileditšwe ka gare. E tla ba selo sa go swana bošegong bjo.

¹⁶⁰ [Ngwanešu o re, "Ngwanešu Branham, ke nyaka Moya wo Mokgethwa."—Mor.] Ge—ge—ge monna bošegong bjo... Modimo a go šegofatše, ngwanešu, go O amogela.

¹⁶¹ Ge monna bošegong bjo a fodišitšwe, gomme a ka kgora go e netefatša, gore o fodišitšwe, o tseba ka gare ga gagwemong gore o fodišitšwe, ka bothata bja proseteite, o nagana gore go tla direga eng gosasa? Yo mongwe o tla be a re, "Ke a tseba yo mongwe o dutše khoneng. Ke tseba mo go lego motho wa segole. Ke tseba

mo se se lego, goba *sela* se lego. Eya o ba fodiše.” Le a bona, yoo ke diabolo yola wa go swana.

¹⁶² Jesu o ile a botšišwa. Theetsang se A se boletšego ka go Mokgethwa Johane 5:19, “Ruri, ruri, Ke re go lena.” Gomme *ruri* go ra, “Ka nnete, Ke re go lena, Morwa ga a kgone go dira selo ka Boyena, eupša se A bonago Tate a se dira. Seo Morwa o se dira go swana.” Le a bona? Ga se nke A dira selo go fihlela pele A bone Tate a Mmontšha seo mo ponong. Seo se Mo dirile Modimo-moprefeta.

¹⁶³ Gomme lehono O sa swana, Modimo Moprefeta wa go swana, Moya wo Mokgethwa wa go swana wo o dulago magareng ga batho. Re Mo amogetše, ka sebopego sa kolobetšo. Re Mo amogetše, ka go rapelelaneng seng. Re Mmone a bolela ka maleme a mangwe. Re Mmone a le hlatholla. Re Mmone a dira maswao a magolo a a letšatši.

¹⁶⁴ Gomme bjale re sepelela pele ka go se sengwe gape. Re bile le bontši bja kekišo. Re bile le bontši bja dilo tše, eupša seo ga se e tloše go tloga go Therešo ya Beibele. O sa swana maabane, lehono, le go ya go ile. O sa le Jesu Kriste. Yena ke Morwa wa Modimo. O a phela go ya go ile.

¹⁶⁵ O rile, “Lebakana le lennyane gomme lefase...” Yeo ke khosmose, tshepedišo ya lefase, sehlopha sa mehleng sa kerekeleina. “Le ka se Mpone gape. Efela lena le tla Mpona, gobane Nna...” Gomme “Nna” ke lešala. “Ke tla ba le lena, ebole le ka go lena, go fihla bofelong bja lefase, go fihla pheletšong. Nna, Nna Nnamong ke tla ba ka go lena, ke šoma mediro ya Ka ya go swana yeo Ke e dirilego, tsela yohle go fihla pheletšong, nako ya bofelo.” “Wa go swana maabane, lehono, le go ya go ile.” Modimo a re thuše go e dumela.

¹⁶⁶ Bjale ke tla le botšiša potšišo, ge A ka bonagala fa magareng ga rena bošegong bjo. Bjale, ke nyaka le tsebe se, gore ga go selo se sebjalo bjalo ka mofodiši yo Mokgethwa, go no swana le ge go se na le Mophološi yo Mokgethwa lefaseng lehono. O mo ka sebopego sa Moya wo Mokgethwa, gomme O mo feelsa go tiišetša se A šetšego a se tshepišitše. O mo, o dira Lentšu la Gagwe go bonagala. Ge A tlie lekga la mathomo, O netefaditše gore O be a le Mesia ka se A bego a se dira. Se netefaditše e be e le Mesia.

¹⁶⁷ Bjale, O rile, “Bjalo ka ge go bile matšatšing a Noage, le ka matšatšing a Loto.” Ka matšatšing a Noage, meetse a tlie. Ka matšatšing a Loto, mollo o tlie. Re lebeletše eng bjale? Mollo. Šetšang ka fao A inetefaditše Yenamong.

¹⁶⁸ O tlie tlase. Go be go le Loto, tlase ka Sodoma, leloko le bolelo la kereke, go kgeloga seripa. Gomme go bile le Barongwa ba bararo bao ba tšwago Legodimong, gomme ba tlie pele go Abraham, yo a emetšego sehlopha sebilešwantle go tšwa Sodoma yela, seo se šetšego se bileditšwe ntle.

¹⁶⁹ Gomme ba babedi ba Barongwa ba ile tlase ka Sodoma gomme ba rera, ga se ba tsoge ba dira mehlolo ye mentši kudu, Billy Graham wa sebjalebjale. Eupša o itsebagaditše yenamong bjalo ka go ba mohlanka wa Modimo. Gomme ka pela ka morago ga ge Loto a tšwetše ntle, yo bolelo o tlogetše toropokgolo, morago mollo wa senya lefelo.

Eupša hlokamelang ke mohuta ofe wa yo Motee a šetšego le Abraham? Hlokamelang.

¹⁷⁰ Bjale, Abraham o be a le bogolo bja mengwaga ye lekgolo, gomme Sarah o be a le masomesenyane. Mengwaga ye masomepedi tlhano, ba be ba dumetše tshepišo yela ya morwa yo a tlago, ba swareletše go yona.

¹⁷¹ Fao ke mo A tlago, go bao ba dumelago, ba swareletšego go tshepišo yela.

Gomme, šetšang, ba babedi ba ile tlase.

¹⁷² Yena yo a šetšego le Abraham o itsebagaditše Yenamong. O be a dutše ka mokokotlo wa Gagwe go tente. Gomme elelwang, o be a le "Abram" go fihla feela letšatši goba a mabedi pele ga fao, gomme Sarah o be a le S-a-r-a-i. Bjale ke S-a-r-a-h, gomme yena ke A-b-r-a-h-a-m, Abraham. Gomme Mo hlokameleng, O mmiditše (e sego leina la gagwe la pele) leina la gagwe le le filwego, letšatši goba a mabedi pele. "Abraham, mosadimogatša wa gago o kae, Sarah?" S-a-r-a-h, mohumagatšana.

O rile, "O ka tenteng, ka morago ga Gago."

¹⁷³ Bjale, O bile le mokokotlo wa Gagwe go tente. Gomme O rile, "Abraham, Nna, Ke ya go go etela," go ya ka tshepišo yeo A mo diretšego. Le a bona O be a le Mang? Gomme O rile, "Gomme Sarah mosadimogatša wa gago o ya go ba le lesea le."

¹⁷⁴ Gomme Sarah, ka tenteng ka morago ga Gagwe, Beibele e a laetša, "O be a le ka morago ga Gagwe, ka tenteng. O segile go yenamong."

¹⁷⁵ Gomme Morongwa o rile, "Gobaneng Sarah a segile?" Le a bona? "Gobaneng Sarah a segile?" A tseba se a bego a se dira ka tenteng, ka morago. Le bona se ke se rago?

¹⁷⁶ Gomme ge Abraham a ile ntle, o Mo etilepele, O ile tseleng ya Gagwe. Abraham o boletše gore o boletše le Modimo, Elohim. Eng? Elohim, "Yena Molekanelia Gohle."

¹⁷⁷ E be e le leswao la eng? Jesu o rileng? "Bjalo ka ge go bile ka matšatšing a Loto, go tla ba bjalo ka go tleng ga Morwa wa motho." Seo, seo . . .

¹⁷⁸ Yo mongwe o rile go nna, "Ngwanešu Branham, ga o dumele gore e be e le Modimo, a o a dira?" Beibele e rile e be e le Modimo, gomme seo ke sohle ke se tsebago. O rile e be e le Modimo.

¹⁷⁹ E be e le leswao la eng? Gore, Modimo, ka matšatšing a mafelelo, pele lefase le senywa, O tla tšwelela ka go sehlopha

sebiletšwantle, Modimo a itsebagatša Yenamong ka nameng ya motho magareng ga batho ba Gagwe. Yena šo, wa go swana maabane, lehono, le go ya go ile.

¹⁸⁰ Bjale, ga se potšišo ge eba O tla go fodiša goba aowa. Ke potšišo ge eba O a phela goba aowa. Ge A phela, O boloka tshepišo ya Gagwe. Ge e se yona, e no ba kanegelo ya nonwane yeo re e badilego go tšwa felotsoko, gomme seo ke sohle se lego go yona. Ke a dumela gore O a phela, bošegong bjo, magareng ga rena. A le dumela seo?

¹⁸¹ Ga ke na le sešupanako. Ga ke bone... Sešupanako sa ka se robegile, gomme ga—ga ke tsebe ke nako mang. Kafao yo mongwe mpotše ke nako mang. [Ngwanešu o re, "Lesometlhano go fihla go lesome."—Mor.] Lesometlhano go fihla go lesome. Ke ye masometlh-... Gonabjale ke thari ka metsotso ye masomenne tlhano. Ga se ke re go dira seo. Ke maswabi. Ntshwareleng.

A re inamišeng dihlogo tša rena feela nakwana.

¹⁸² Ke le botšiša potšišo. Mangwalo, dibeke go tloga bjale, re ka be re dula go thuto yela ya go swana. Ke boitsebagatšo gore Jesu o fa. "Bahlomphegi, re rata go bona Jesu." Gomme, "O a swana maabane, lehono, le go ya go ile." Ge le ka kgona go Mmona a sepelela ka magareng ga rena bošegong bjo le go dira feela dilo tša go swana thwi mo, tše A di dirilego ge A sepetsé ka Galelia, a le tla Mo dumela? Ge o ka dira, phagamiša seatla sa gago, e re, "Ke tla dumela ge nka no kgona go Mmona a dira selo sa go swana seo A se dirilego fale."

¹⁸³ Tate wa rena wa Legodimong, ke sehlopha sa go ratega kudu sa batho. Ba ikarabela kudu. Gomme ke—ke... Re thabile kudu, badiredi, Morena, go bona batho ba ba arabelago go Ebangedi. Go ra gore go na le leswao, modumo wa phefo ye e kitimago ka moyeng. E ka no ba selo se re se rapeletšego, mo ka Tucson, go bona tsošeletšo ye kgolo.

¹⁸⁴ Re mo go itsebagatša renabeng bjalo ka bahlanka ba Gago, bjalo ka hlatse ya therešo ya Beibele. Gomme re a tseba, gore, "Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena." Gomme re a tseba Beibele ye e hlagiša dikgopolo tša Modimo go batho ba Gagwe. Gomme Lentšu ke "mogopolo ge o hlagišwa." Morena, a nke go naganiša mo go lego pelong ya ka, gore O "a swana maabane, lehono, le go ya go ile," a nke Moya wo Mokgethwa o thuše bošegong bjo go hlagiša Lentšu lela, gore le tla ba bokgethwa bjala go phela thwi magareng ga rena, gore re tla bona gore Jesu o a phela.

¹⁸⁵ Ka go dira bjalo, Morena, ke a dumela gore batheeletši ba batho ba tla Mo amogela. Bao ba sego ba phološwa ba tla nyaka Mophološi yola wa go makatša. Go tseba, gore, ka morago ga mengwaga ye dikete tše pedi, tshepišo ya Gagwe še, go no phela

bošegong bjo bjalo ka ge e bile iri ye A e dirilego. Gomme balwetši ba tla fodišwa; bakgethwa ba tla šegofatšwa. Re ikwela gore tsošeletšo ye re e rapelelago e tla ba tseleng. Morena, bjo ke bokgole bjo motho e ka ba mang a kgonago go ya, e no ba go bolela se O se boletšego.

¹⁸⁶ Bjale re nyaka O tle, morategi Jesu, le go hlagiša go rena bošegong bjo Bogona bja Gago, gore bohole re ke re tsebe gore O fa. Gomme go tla tsikinya dipelo tša rena, Morena, go tseba, ge re sepela go theoga mokgotha. Go tla dira bohole ba rena go nagana, nako ya go latela re thoma go dira e ka ba eng, goba go nagana dilo ka phošo, re a tseba gore O re šeditše. Re a tseba gore O fa. Re a tseba ga go kgonege ka go felela, Morena, go se go direga ntle le Wena, kafao re a rapela gore O tla e fa bošegong bjo. Leineng la Jesu. Amene.

¹⁸⁷ Bjale, re fa dikarata tša thapelo letšatši le lengwe le le lengwe. Gomme bjale, re ka se kgone go di tšea gateetee. Gomme re thari gannyane. Ke—ke a dumela gore re swanetše go tswalela ye ka iri ya lesome. Gomme re tla no bitša dikarata tša thapelo di se kae le go rapelela ba bangwe, batho ba go babja, gomme mohlomongwe Moya wo Mokgethwa o tla fa se sengwe magareng ga rena.

¹⁸⁸ Ke nyaka motho yo mongwe le yo mongwe go dula go iketla ka go phethagala. Boloka go homola ga gago, go no homola ka mo o kgonago go ba. Swara lefelo la gago. Gomme ka gona, elelwa, rapela.

¹⁸⁹ Bjale, a re boneng, re thoma go tloga feela e ka ba kae. Billy o felotsoko fa, ge nka no bona moo a lego. O fa dikarata tša thapelo. Ga ke tsebe se a se fago. Oo, o morago ka moriting, morago fale. Eng? A, tee go fihla go lekgolo. Go lokile. A nke seswai goba lesome le eme.

¹⁹⁰ A, nomoro tee, ke mang a nago karata ya thapelo A, nomoro tee? Ge o sa kgone go emeleta, gobaneng, re tla go rwala. Re tla bona gore o... A, nomoro tee? A re boneng, tsela efe? Bokaone etla ka tsela ye, ke a thanka. Goba, ka tsela ye? Go lokile. A, nomoro tee, a o ka ya thwi godimo kua, mohumagadi. Bangwe...

¹⁹¹ A, nomoro pedi? Ke mang a nago pedi, nomoro pedi? Ke a tseba ke batho ba Spanish fa. Nomoro pedi, a o ka iša seatla sa gago godimo gore re kgone go bona mo o lego? A, nomoro pedi. Mokgomana morago fale. A o ka tla fa, mohlomphegi.

¹⁹² Nomoro tharo, nomoro tharo, yo a swerego karata ya thapelo tharo, a o ka iša seatla sa gago godimo? Mohumagadi. A o ka tla thwi godimo fa, mohumagadi, ge o rata, tharo.

¹⁹³ Nne, ke mang a nago karata ya thapelo nne? A o ka iša seatla sa gago godimo kua? Mokgomana yo mo, thwi mo. Go lokile.

Nomoro tlhano? Go lokile, godimo fa.

Tshela, ke mang a nago karata ya thapelo tshela, nomoro tshela?

¹⁹⁴ Yo mongwe o e bolela ka Spanish. Eng? [Ngwanešu o re, “Seis.”—Mor.] Seis? [“Seis.”] Seis. Karata ya thapelo tshela. Ke a holofela . . . Le a bona?

¹⁹⁵ Lebelela karata ya thapelo ya moagišani wa gago. E ka no ba yo mongwe wa sefoa. Ga ba kgone go go kwa, o a bona. Ba tla loba go lekga la bona. Re nyaka yo mongwe le yo mongwe go rapelelwa. Kafao bjale bonang ge e ka ba mang, o swere karata ya thapelo, go lokile, tshela. Ba ka no . . .

¹⁹⁶ Go ne ba bangwe ba sepetšego fa, dinakwana di se kae tša go feta, kafao go ka no ba go bile ke rerile botelele kudu, goba go bolela botelele kudu, a ke re. Goba, ga se nke ka rera, eupša ba—ba ka no ba ba lapile.

¹⁹⁷ Tshela, šupa. Šupa, a o ka iša seatla sa gago godimo? Šupa. Seswai, senyane. Yeo ke nnete. Gabotse. Senyane, senyane, senyane, karata ya thapelo senyane? A ke mošemane yo monnyane? O na le karata ya thapelo senyane, morwa? Seswai. Go lokile. Yeo e kaone. Nomoro seswai, senyane?

¹⁹⁸ Bjale, ge le hwetša dikarata tša thapelo, lebelelang, le se ke—le se ke—le se ke la no di tšeа, le a bona, gomme—gomme la se ke la tla godimo, ka baka la gore o pata yo mongwe ka lefelo leo, le a bona. Gomme wena, o swanetše go tla le go hwetša karata ya thapelo ya gago mong. Le a bona, yo mongwe o a tla gomme o tšeа e tee, o e fa yo mongwe gape, gomme ba a emeleta gomme ba ya ka ntle, gomme ka gona, le a bona, yo mongwe o foša lefelo lela moo yo mongwe a ka bego a tlide ka gare. Go lokile.

¹⁹⁹ Go ne tshela le senyane bao ba lego ntle. Ke mang a ka e bolelago ka Spanish, thwi godimo? [Yo mongwe o re, “Nueve.”—Mor.] Go lokile. E ka ba eng yeo e bilego, go lokile, yeo e kaone. Go lokile. Ge karata yela ya thapelo e le fa, go lokile.

²⁰⁰ A mohumagadi yola o na le yeo, tshela goba senyane? Wena, tshela? Gabotse. Go lokile.

²⁰¹ Senyane, bjale, ke mang a nago karata ya thapelo senyane? [Yo mongwe o re, “Ba tlogile.”—Mor.] Ba tlogile. Go lokile. Go lokile.

²⁰² A re thomeng fa, gona. Go lokile, thoma mothalo wa thapelo, gomme thoma.

²⁰³ Bjale, gomme ka gona, re—re potlakile gannyane nthatana, kafao le se ke la tšhoga bjale. Re tla tšwa ka go e ka ba ye lesome, metsotso ye lesometlhano. Eupša ke nyaka go le botšiša se sengwe.

²⁰⁴ Yeo ke yona, baena. Bjale ke duma le ka dira, feela nthatana ye nnyane ya sekgoba fale, ge le—ge le ka rata. Ke a le leboga.

²⁰⁵ [Ngwanešu o re, “Ngwanešu Branham, ga ra swanelo go ba ka tšwa fa ka lesome. Tšea nako ya gago.”—Mor.] Ngwanešu o nno tla, o mpoditše, ga ra swanelo go tšwa ka lesome. Kafao, seo se kaone. Gabotse, ga re nyake go lapiša batho.

²⁰⁶ Sese—sese selo. Bokgole bjo ke kgonago go bona . . . Bjale, ke ba bakae ntle fale ba se nago dikarata tša thapelo, gomme efela le a babja? Phagamišetša seatla sa gago godimo, ga o na dikarata tša thapelo. Oo, go no ba gohlegohle. Ga wa swanelo go ba le karata ya thapelo. O swanetše go ba le tumelo. O a bona? Karata ya thapelo e no ba se sengwe o se swerego ka seatleng sa gago. Le a bona? O . . . E no ba karata le nomoro godimo ga yona. Seo ke sohle se lego, karata le nomoro tee, pedi, tharo, goba e ka ba eng e lego. Gomme dinako tše dingwe re . . . Letšatši le lengwe le le lengwe re fa dikarata tše mpsha, gobane go ne batho ba tla ka gare. Ka gona re thoma go tloga lefelong le tee, le le lengwe. Nnete.

²⁰⁷ Ke ba bakae ba kilego ba ba ka go ye nngwe ya dikopano pele? A re bone seatla sa gago. Oo, oo, ke naganne ke be ke le pele ga batheeletši ba šele, gomme morago ka bolela ka se sengwe boka seo. Le a bona? Gobaneng, aowa. Go ne peditharo ka fa e bile ka dikopanong pele. Go lokile. Le kwešiša eng, ka tsela ye re e dirago.

²⁰⁸ Bjale, ga ke bone motho ka nako ye yo nka kgonago go bolela gore ke a mo tseba. Nka—nka no tseba ba bangwe ba lena, eupša ga go yo motee yo ke mmonago yo ke mo tsebago. Ga ke kgone go bona motho yo motee.

²⁰⁹ Ke—ke a tseba mosadimogatša wa ka o ka fa felotsoko, le yo mongwe wa barwedi ba ka, eupša, gomme, eupša ga ke tsebe mo a lego, ebile. O ka mo felotsoko. Eupša ga—ga ke . . .

²¹⁰ Gomme ke a tseba gore ke kwele Ngwanešu Fred Sothmann, yo mongwe wa bahlokamelaphahlo ba rena ba kereke ka Indiana, a re, “Amene,” lebakana la go feta. Eupša Tate wa Ka wa Legodimong o a tseba ebile ga ke kgone go bona monna. Go mohuta wo mothata go bona go tšwa mo. Ebile ga ke tsebe mo a lego.

Ga ke bone yo motee ke mo tsebago, le o tee wa lena.

²¹¹ Eupša, gomme bohole ka go mothalo wo wa thapelo, lena ka go mothalo wa thapelo, lena bohole bao le sa ntsebego, goba o a tseba gore ga ke go tsebe, phagamišetša seatla sa gago godimo, gore o a tseba. Go lokile. Sehlopha ka moka sa bona. Ga ke ba tsebe. Ga ba ntsebe. Ga le ntsebe, gomme ga ke le tsebe.

²¹² Bjale, selo sa yona ke bjale, a Jesu Kriste o a phela? Seo ke se re nyakago go se tseba. Le a bona? Gomme bjale ebile ga re kgone . . . Go ne dilo tše dintši re ka kgonago go di bolela. “Ee, ke Mo kwa ka pelong ya ka.”

²¹³ Batho ba re, "Se sengwe gape." Gomme ba bolela dilo tše dintši. Ba re, "Yeo ke saekolotši."

²¹⁴ Eupša re nyaka go tseba, a O phela ka therešo, go Mangwalo go itsebagatša Yenamong wa go swana maabane, lehono, le go ya go ile? Seo ke se re nyakago go se tseba.

²¹⁵ Bjale, šele Lentšu la Modimo, gomme ke Le swere ka seatleng sa ka. Ga go motho yo ke kgonago go mmona, ka ntle ga morwa wa ka bjale.

²¹⁶ Le Ngwanešu Tony a dutšego fase fa, eupša mopresidente wa Full Gospel Business Men's Fellowship, ke batho ba babedi feela bao ke ba bonago, bao ke ba tsebago.

²¹⁷ Baopedi ba bannyane ba dutše ntle kua mafelelong, ke—ke nagana gore ke ba bakaone kudu. Ke a dumela yo ke mmago bona a dutšego thwi fa. Ga ke na kgonthé. Goba—goba, a yeo ke nnete? A ke phošo go yona? Gabotse, ke phošo fao. Kafao, ga—ga ke tsebe. Ke bone mohumagadi a bapala. A yo ke yena go piano? Gabotse, ke bone mohumagadi, bošegong bjo bongwe, a bapala godimo fale, yoo a lebegilego bontši kudu boka mohumagadi yo fa, yoo ke nagannego e be e le m—m mme. Wa—wa . . . Sole yena. Ee, mohlomphegi. Yeo ke nnete. Gabotse, bjale, o tla swanelia go re, ba lebega bontši go swana kudu. Yeo ke nnete. Eupša, seo, le a bona, ebile ga se ke tsebe mohumagadi yola.

²¹⁸ Bjale, kagona, ke ema fa le badiredi go ntikologa, ka morago ga ka, le ntle ka pele, batho ba Bakriste. Gomme re eme fa. Gomme ke tteleima gore bohlatse bja Beibele bja Jesu Kriste ke leswao la seprofeto. Beibele e bolela bjalo. Gomme O a swana maabane, lehono, le go ya go ile. Gomme o tshepišitše gore, ge re ka dumela go Yena, mediro yeo A e dirilego re tla e dira le rená. Bjale, a yeo ke therešo?

²¹⁹ Bjale, ge yeo e le therešo, modiradibe yo mongwe le yo mongwe o swanetše go ikhweletša yenamong fa mo aletareng, lefelo fa, le go kgopela tshwarelo ya sebe. Motho yo mongwe le yo mongwe a babjago o swanetše go amogela phodišo ya gago thwi moo o lego.

²²⁰ Ka baka la gore, ga go na le bokwala ka go nna. Ke nna monna. Šo modiša wa lena, o no swana le nna. Re no ba bahlanka ba Kriste. Eupša, re fa. Bjale, bona ke—bona ke bareri. Ga ke moreri kudu. Le tseba seo, ga bjale. Eupša ke—ke . . . Ke badiredi, barutiši, le go ya pele. Ga se nna modiredi, goba moreri, a ke re, gobane ga ke ne thuto, goba, gomme ga go sekolo. Gomme ga ke ne digrata tša . . . le se . . . Ga go diB.A. goba diD.D, goba . . . Ke—ke no se be le yona. Gomme ke—ke—ke . . . Eupša Morena o mphile m—m mpho, gobane ke a Mo rata. Gomme O—O ntumelela go Mo šomela ka tsela ye.

²²¹ Gomme ge A ka iponagatša Yenamong mo; gore O mo; gomme wona Moya wo Mokgethwa wo o o amogelago, o netefatša gore ke Yena. Pentecost ke selo se nnoši se yago go netefatša Bokriste.

O ka se kgone go bo netefatša ka saense. O ka se kgone go bo netefatša ka selo eupša ka boitemogelo bja pentecostal. Lena Mabaptist le tseba seo, le lena Mamethodist le Mapresbyterian, le e ka ba eng le logo.

Le a tseba go tšea boitemogelo bja pentecostal go netefatša Modimo. Gomme seo ke go motho ka motho yo mongwe le yo mongwe. Ga bo netefatše mokgatlo. Bo netefatša motho ka motho.

²²² Boka Jesu a boletše go Petro, ge a rile, “Wena o Kriste, Morwa wa Modimo.” O rile, “Nama le madi ga se tša tsoge tša utolla se go wena, eupša Tate wa Ka yo a lego Legodimong. Godimo ga leswika le Ke tla aga Kereke ya Ka, gomme dikgoro tša hele di ka se tsoge tša e šuhla, le a bona, di ka se kgone go fenza kgahlanong le yona.”

Bjale, e kae? Mohumagadi yo.

²²³ Bjale, ge Jesu Kriste a netefatša gore O a phela, ke ba bakae ba yago go amogela phodišo ya lena, thwi moo o dutšego? E no phagamiša seatla sa gago, e re, “Ge A ka dira feela se A se dirilego mo, ke a tseba O a phela. Ngwanešu Branham, ke—ke go kwele o bolela. Ke a go tseba. O no ba moreri yo monnyane wa hlogo ya lefatla a eme fale, le a bona, gomme ke a tseba ga go selo ka go wena. Eupša ke—ke a tseba, ge o boletše Therešo, Modimo ka kgontho o tla paka ka Yona. O tlamegile go dira seo.”

²²⁴ Bjale, ke boletše ka Yena. Bjale a nke A bolele, gore ke le boditše Therešo. Ge e se Therešo, gona ga se Therešo. Ge E le Therešo, gona o a E amogela.

²²⁵ Mohumagadi fa, ga se nke ka ke ka mmona. O phagamišitše diatla tša gagwe, metsotso e se mekae ya go feta, gore re be re le basetsebane seng sa rena. A ka no ba a kwele ka nna felotsoko, ka lephepheng, kgatišobaka, goba a ka no ba a mpone ka kopanong. Eupša ka go tseba e ka ba eng ka mosadi, sa pele, selo se nnoši ke se tsebago, go molaleng ga se ka ke ka kopana le yena pele ka bophelong. O eme mo, mosetsebjie wa go felela.

²²⁶ E re, se se direga go ba se sengwe ke boletšego ka sona, dinakwana di se kae tša go feta. Monna šo le mosadi, ba kopana lekga la mathomo, boka Mokgethwa Johane tema ya 4, ge Morena wa rena Jesu Kriste a kopane le mosadi mo sedibeng. Thwi godimo ga ponagalo, tsela ya go swana, feela Beibele e swantšhitšwe gape. Jesu ga se a ke a mo tseba. Ga se a ke a tseba Jesu. O Mmotšišitše, o mo kgopetše, gomme—gomme O mo kgopetše seno sa meetse. Gomme ka gona ge Tate a utolotše go Yena se e bego e le bothata bja gagwe, ka pela o lemogile gore yoo e be e le go feta feela monna wa mehleng.

²²⁷ Bjale, mohumagadi, ga—ga ke go tsebe, ga ke tsebe selo se tee ka wena. Eupša ke no bolela le wena, goba wena go beng motho wa mathomo go swara Moya wa Morena. Gomme bjale ke a bona gore o modumedi, gomme ke ra modumedi wa Mokriste, e

segó mokgopelalifiti. Ka gore, ka pela, ge ke retologetše go wena, moyá wa gago o roromela kamogelo. Le a bona, ke a tseba gore ke Mokriste. Le a bona? Bjale, a ka kgona go ba moikaketši; a ka kgona go ba eng kapa eng; a ka kgona go ba mofori a eme kua. Ke tla tseba bjang? Ga se nke ka ke ka mmona bophelong bja ka.

²²⁸ Eupša, bjale, ge—ge se se ipušeletša ka bosona, gore O tseba mo bothata bja gago bo lego, O tseba se o lego mo ka sona. E ka no ba bolwetši. E ka no ba bothata bja mašeleng. E ka no ba bothata bja selapa. Ga ke tsebe. O a dira. Eupša ge A ka nkutollela ka Bogona bja Gagwe, le go dumelela monagano le dipounama tša ka, le tšohle, go rwalelwá bjalo ke Yena, go fihla A tla go botša se o lego mo ka sona. O tseba ge eba e tla ba therešo goba aowa, a o ka se ke? O tla e tseba, ge eba e be e le therešo goba aowa.

Ke ba bakae ba tla e dumelago? Le a bona?

²²⁹ Bjale, ke nna yo, ka diatla tša ka godimo, le nna. Ga se ka ke ka mmona ka bophelong bja ka, bokgole bjo ke tsebago. Ga se ka ke ka mmona ka bophelong bja ka. Re basetsebane ka go felela, yo motee go yo mongwe. Bjale, ge Moya wo Mokgethwa o ka kgona go utolla, go mosadi yo, se sengwe ka yena: se sengwe a se dirilego, boka mosadi yola a dirile mo sedibeng nako yela; goba se sengwe seo a swanetšego go be a se dirile, gomme ga se a se dira; bothata tsoko a bilego le bjona; se sengwe seo se lego pelong ya gagwe; se sengwe a se nyakago, goba se sengwe boka seo; e swanetše go tšwa go Maatla a mangwe a kagodimogatlhago. Ke ba bakae ba tsebago seo?

²³⁰ Gabotse, bjale, o ka kgona go tšea lehlakore la Bafarisei, le go re, “Ke diabolo.” Goba, o ka kgona go tšea lehlakore la modumedi, gomme wa re, “Ke Modimo.” Gona, go ya ka wena. Go tšwa go wena.

Bjale, gore, a nke Moya wo Mokgethwa o bolele.

²³¹ Bjale, ge lena ba le laolago ditšeantšu tše, nako ye nngwe ge Tlotšo e etla fase, gore ga—ga ke tsebe ke bolela go hlahlawetša gakaakang.

²³² Le bona moo ke swanetšego go ema bjale? E ba gore ke swanetše go ema le Lentšu le... Gomme ke boletše gore Ke Therešo. Bjale ke swanetše go itshama ka Modimo go kwalakwatša seo morago, gore ke Therešo, thwi fa pele ga batho ba.

²³³ Ke e dirile pele ga seripa sa milione. Modimo o e dirile, a ke re, a ntumelela go bolela, ka Bombay, India, pele ga dikete tše makgolopedi le masometlano.

²³⁴ Ka Afrika Borwa, ka lepatlelong la mokato, ge dikete tše masometharo tša badudi ba setlogo ba amogetše Kriste. Gomme dikete tše masomepedi tlhano, ba robetše ka maakong le se sengwe le se sengwe, ba emeletše le go sepela, ka nako ya go swana. E be e le—e be e le barapedi ba medimo ya diswantšho.

²³⁵ E swanetše go dira eng go sehlopha sa go tswalwa gape se se dumelago Modimo le go lebelela se sengwe boka seo go direga? Mehlolo ye dikete tše masomepedi tlhano e dirilwe feela ka nako e tee, seo ke sohle ba bego ba nyaka go se bona, feela ka pela ge se diregile. Se swanetše go dira eng go rena?

²³⁶ Bjale, kgaetšedi wa ka, re batho ba babedi, re tswetšwe ka dikarolong tša go fapana tša lefase, mohlomongwe, le go kopana lekga la rena la mathomo fa bjale. Gomme ke—ke no nyaka go bolela le wena, gore, ge A ka nkutollela, bjalo ka ge bohle re letile go bona se se diregago. Bjale, e swanetše go ba Yena, gobane ga—ga ke go tsebe. Ga se nke ka ke ka go bona, eupša Modimo o a go tseba.

²³⁷ Eupša bjale ge phuthego... Ke mang a kilego a bona Seetša sela, seswantšho sela sa Morongwa wa Morena? Ke ba bakae ba kilego ba Se bona? Le a bona? Go lokile. Sona sese fa, thwi fa magareng ga ka le mosadi, gonabjale. A ga le kgone go bona Seo? Se sepelela go yena. Le a Se bona? Le a bona? Mosadi o Se lebeletše, yenamong.

²³⁸ Mosadi o na le ditlhakahlakano. O na le dilo tše dintši tša phošo ka yena. Se sengwe sa dilo tše kgolo tše di fošagethšego ka yena ke seemo sa sabohloko. Yeo ke therešo. Bjale, ge yeo e le nnete, phagamiša seatla sa gago.

²³⁹ Bjale o a dumela? Gomme O a swana maabane, lehono, le go ya go ile. A ga A? A le dumela seo, baena?

²⁴⁰ Ke tšwelapele ke ekwa seo se etla, yo mongwe o rile, “O thankile seo.” Ga se ke thanke seo. Gomme, le a bona, o ka se kgone go iphihla wenamong bjale. Moya wo Mokgethwa o fa. Se o se naganago, ke tla se swara. Jesu o bone menagano ya bona, le a bona. Gomme ga se nna Jesu, eupša O fa le rena. Le a bona?

²⁴¹ Fa, ga ke go tsebe. Gomme Jesu o tla mpotša gore o mang, gona seo se swanetše go tloša potšišo go tšwa go yona, nako yohle. A se ka se ke? Mdi. Heineman, eya pele ka tsela ya gago. O fodile. Jesu Kriste o go dira o fole. Amene. Amene.

A le a dumela bjale? O re, “Leina la mosadi yola?”

²⁴² Gobaneng, a ga se A botša Simone leina la gagwe e be e le mang, tatagwe e be e le mang? O a swana maabane, lehono, le go ya go ile. A le a e dumela?

²⁴³ Go bjang, mohlomphegi? Monna šo yo ke sego ka ke ka mmona ka bophelong bja ka. Ke a nagana re basetsebane, yo motee go yo mongwe. Yeo ke nnete. Gore batho ba tsebe, e no phagamišta seatla sa gago godimo gore batho ba kgone go bona gore re basetsebane. Ga se ka ke ka tsoge ka bona monna. O lebega o ka re o—o be a phelegile go lekanela. Ga ke tsebe monna. Ga se ka ke ka mmona. Modimo o tseba tšohle ka yena.

²⁴⁴ Bjale, ge a be a babja gomme ke be nka kgona go mo fodiša, a ke be nka se be motho yo mobe ge ke be ke sa mo fodiše?

²⁴⁵ Eupša nka se kgone go mo fodiša, gobane nka se kgone go dira se Kriste a šetšego a se dirile. O šetše a fodišitšwe, ge a babja. E no ba se sengwe go . . . Ge Jesu a ka be a eme thwi fa a apere sutu ye, yeo A mphilego, O be a ka se kgone go go fodiša. O be a tla go botša O šetše a e dirile. O gobaditšwe bakeng sa dikarogo tša rena, ka megogoma ya Gagwe. O be a tla go botšiša ge eba o a dumela.

²⁴⁶ Eupša O be a ka kgona go itsebagatša Yenamong gore O a swana maabane, lehono, le go ya go ile, gomme seo e no ba se A se dirago. Le a bona? Yeo ke nnete.

²⁴⁷ Bjale, monna šo. Yo mongwe e be e le mosadi. Ga se ka ke ka mmona, ka kopana le yena. Re no ba basetsebane mo lefaseng. Bjale, mohlomphegi, ge Moya wo Mokgethwa wo mogolo . . .

²⁴⁸ Woo, o o lemogago gonabjale, se sengwe se diregile thwi nako yeo. A ga se sa? Bjale, Seetša sela se dutše thwi godimo ga monna. E nong go mmotšiša. Ke nyaka le tsebe se. Feela motsotsvana wa go feta, maikutlo a mabose ka kgontha a go kokobela a tlide godimo ga gago. A yeo ke nnete? Phagamiša seatla sa gago ge yeo e le nnete. Le a bona? Ke lebeletše thwi go Sona, le a bona, fao. Go lokile.

²⁴⁹ Monna ke sefoa gannyane nthathana ka ditsebeng tša gagwe, eupša o bile le se sengwe sa go hlobaetša se mo diragetšego. O bile le karo bakeng sa go phatloga. Seo ke se o nyakago ke se rapelela. Ge seo e le nnete, phagamišetša seatla sa gago godimo. Go lokile.

²⁵⁰ A yeo ke nnete? A o dumela seo?

Bjale, o a bona, ga o thanke dilo tšeо. Ke therešo.

²⁵¹ Fa, o ne se sengwe pelong ya gagwe, o nyaka go dumela ge eba ke Modimo goba aowa. Go na le se sengwe gape pelong ya gago, se sengwe o se nyakago. Go na le yo mongwe ntle mo ka batheeletšing, o a tlaišega, le yena. Ke mosadimogatša wa gago. Yeo ke nnete. O na le ditlhakahlakano, ka manyami le bohloko, gonabjale. A yeo ga se nnete? [Kgaetšedi o re, “Ee.”—Mor.] Go lokile, kgaetšedi, o fodile, le wena. Bobedi bja lena eyang gae. Jesu Kriste o le dira le fole. Eyang pele ka tsela ya lena, le hlalala. Lebogang Modimo. Dirwang go fola. Šegofalang!

²⁵² Dumela bjale. Eba le tumelo. O se belaеle. Dumela. Dilo tšohle di a kgonega go bona bao ba dumelago. Le a bona? Nka se kgone go fodiša. Ga se nna mofodiši. Eupša Jesu Kriste o netefatša Yenamong gore O fa le lena.

²⁵³ Yo, mohuta wa mohumagadi wa Moindia goba Momexican a ntebeletšego, thwi mo, o tlaišega ka kgatelelo ya madi ya godimo. A o dumela Jesu Kriste? Ga ke go tsebe. Ga se ka ke ka go bona. A yeo ke nnete? Eupša, o be o dutše fale, o be o dumela seo. A o be o se? Phagamela godimo ka maoto a gago, ge go le bjalo, ge o tlaišega ka kgatelelo ya madi ya godimo. Jesu Kriste o go fodišitše.

²⁵⁴ Go diregile eng kua? O re, “Ngwanešu Branham, leo ga se Lengwalo.” Ee, ke lona. Mosadi o kgwathile kobo ya Gagwe. A yeo ke nnete?

²⁵⁵ Bjale, ke ba bakae ba lena badiredi le lena batho le dumelago se, gore Beibele e a bolela, gore, “Yena bjale ke Moprista yo Mogolo yo a kgonago go kgwathwa ke dikwi tša mefokolo ya rena?” A yeo ke nnete? O tla tseba bjang o Mo kgwathile? Gobane O dirile ka tsela ya go swana A dirilego maabane. Amene. Go Mo dira wa go swana maabane, lehono, le go ya go ile.

Mosadi yo monnyane yola wa go šokiša a dutšego fale, le a bona, tumelo ya gagwe!

²⁵⁶ Go bile le mosadi nako ye nngwe o ile go kgabola lešaba la batho, gomme o kgwathile kobo ya Gagwe, ka gore o boletše bokagare bja gagwe mong, “Ke a dumela gore Monna o therešo. Ke a dumela Ke Morwa wa Modimo. Gomme ge nka no kgonia go kgwatha morumo wa kobo ya Gagwe, ke tla dirwa go fola, gabotse.” Ke ba bakae ba tsebago kanegelo? Gabotse, gona, ge A . . .

²⁵⁷ Beibele e boletše, ka go Testamente ye Mpsha, puku ya Bahebere, gore, “Yena ke Moprista yo Mogolo yoo gonabjale a kgonago go kgwathwa ke maikutlo a mabofokodi a rena.” Re tseba bjang re Mo kgwathile? Gobane O dira ka tsela ya go swana A dirilego maabane.

²⁵⁸ Bjale, le a tseba mosadi ga se a tsoge a nkgwatha. O dikgato tše masometharo go tloga go nna.

²⁵⁹ Eupša o kgwathile Moprista yo Mogolo yola Yo re kgomanego le yena. Ke lena bao. Yo mongwe le yo mongwe wa lena a ka dira seo ge le ka no dumela. Amene. Le a bona O a swana?

²⁶⁰ Bjale botšišang mosadi yo monnyane. Ga se nke ka ke ka mmona, ga se nke ka mo tseba. O no ba mosadi a dutše fale.

²⁶¹ Ntshwareleng. Re basetsebane, yo motee go yo mongwe, eupša Jesu Kriste o re tseba bobedi. A o a dumela gore A ka nkutollela se sengwe seo o se dirilego, se sengwe seo o se hlologetšego? A se tla go dira o tsebe seo? Nna, feela ngwaneno, nka se tsebe seo. Se swanetše go tšwa go maatla tsoko. A o tla se dumela go ba Jesu Kriste? [Kgaetsedi o re, “Ee.”—Mor.] O tla e dira. Ke a dumela o tla dira, gobane o Mokriste. Go lokile. Wena, o ntumela bjale.

²⁶² Gomme bjale a batheeletši ba tla dumela ka pelo ya bona yohle? [Phuthego e re, “Amene.”—Mor.] A le a dumela gore iri ye re phelago ka go yona, gore dilo tše di swanetše go tla thwi bjale? [“Amene.”] Elelwang, leo e bile leswao la mafelelo le Israele e bilego le lona pele e be e ka ba . . . “Se se tšerwego, se tšerwe. Seo se tlogetšwego, se tlogetšwe.” Leo e bile leswao la mafelelo feela pele mollo o ewa. A yeo ke nnete?

²⁶³ Re bile le maswao, matete, tlhwekišo, kolobetšo ya Moya wo Mokgethwa, go bolela ka maleme, phodišo Kgethwa. Eupša leswao la mafelelo e bile eng pele Sodoma e tšhungwa? Sona selo se le se bonago bošegong bjo, Modimo a iponagatša Yenamong ka nameng ya motho, a tseba sephiri sa pelo. Jesu Kriste o boletše bjalo. “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.”

²⁶⁴ “O re, o lebeletše mosadi. O bala monagano wa gagwe.” Ke tla mo šotologela gona. Le a bona? Le se nagane ga ke sware se le se naganago, gobane ke a dira. Go lokile.

²⁶⁵ Mohumagadi, e no tla godimo mo bjale, gore ke lebelele godimo gomme ke se sware yo mongwe gape. Bjale, re basetsebane ba go felela. Eupša ge Jesu Kriste a ka nkutollela se bothata bja gago e lego, a o tla e dumela? Ge o ka dira, phagamišetša seatla sa gago godimo.

²⁶⁶ Ke a bona o tšhogile go fetiša. Yeo ke nnete. Gomme gagolo seo se direga thari morago ga sekglela, ge o lapa le go ngenega, se sengwe le se sengwe se bonala go se tlwaelege go wena. O tlaišega gape ka atheraitisi. Ge go le bjalo, šišnya seatla sa gago. Ya. Gomme ke hlokomela gore ge o—ge o leka go tšwela ka ntle ga mpete, o ya ka go nokologa ka nnete, ge o tsoga mosong. Go mohuta wo mothata go wena ka nako yeo. Yeo ke therešo.

²⁶⁷ Se sengwe sa go tlaba. Ke bona monna, lesogana, le tšwelela ka fa. Ke morwa wa gago, gomme o tlaišega go tšwa seemong sa monagano. Gomme seemo sa monagano se hlotšwe ke bothata bja selapa. Seo ke O RIALO MORENA. Yeo ke therešo. A ga se yona? A o a dumela bjale? [Kgaetšedi o re, “Ee.”—Mor.] Gona eya o e hwetše ka tsela ye o dumelago. Modimo a be le wena. Eba le tumelo, gomme o dumele. Go tla loka.

²⁶⁸ A o dumela ka pelo ya gago yohle? Nnete. O tseba tšohle ka wena.

²⁶⁹ Go bjang, mohlomphegi? Re basetsebane seng sa rena, ke a nagana. [Ngwanešu o re, “Ee, mohlomphegi.”—Mor.] Morena Jesu o tseba bobedi bja rena. Re banna ba babedi ba kopane mo lekga la mathomo ka bophelong. Eupša go na le yo Mongwe mo. O se ke . . .

²⁷⁰ Go šikinyega, bjoo e no ba bofokodi, o a bona. Ke boletše lebaka la iri goba bontši; ga se go nkgobatše. Eupša feela pono e tee, yeo e a e dira. Le a bona? Le a bona? Ke ba bakae ba ikwelago le kwešiša seo? Daniele o bone pono e tee, o be a tshwenyegile mo hlogong ya gagwe lebaka la matšatši a mantši. Jesu o rerile bošego bjhole le se sengwe le se sengwe, eupša mosadi yo motee yo monnyane o kgwathile seaparo sa Gagwe gomme O rile, “Ke a bona gore maatla a tlogile go Nna.” A yeo ke nnete? Ao ke maatla. Gomme ge go dirile seo go Morwa wa Modimo, go be go tla dira eng go nna, modiradibe? Le a bona? Le a bona? E dira se sengwe

go wena. Gabotse, batheeletši ka moka bjale ba no ba bjalo ka leutu. Le a bona?

²⁷¹ Ga ke go tsebe, eupša Modimo o a go tseba. Eupša ge A ka utolla go nna se se lego ka pelong ya gago, gona O... Jesu o bone tšona dikgopololo tša bona. O a bona? O tseba pelo ya gago. Gomme ge A ka kgona go utolla go wena ditlhologelo tša gago, a o tla dumela o tla e amogela? [Ngwanešu o re, "Amene."—Mor.]

²⁷² Ke ba bakae ntle fao ba tla dumelago le tla e amogela? Seo se swanetše go e ruma, ge o e dumela.

²⁷³ Se sengwe letsogong la gago se bontšha gore o ne kgatelelo ya madi ya godimo. Yeo ke nnete. Eupša e ne sehlodi, gomme sehlodi se tšwa go sehloga sa lehwa. Yeo ke nnete. A o ntumela go ba moprofeta wa Gagwe, goba mohlanka wa Gagwe, a ke re? [Ngwanešu o re, "Ee, mohlomphegi. Ke a dira."—Mor.] A o a dumela O a go tseba? ["Amene."] O nyaka go fodišwa bakeng sa taba ye botse. O nyaka go ba moromiwa. Poso ya gago e tla ba ka Bogare bja Amerika. A ke nnete? Mna. Ogum, o dumela ka bowenamong bjohle, dumela ka pelo ya gago yohle. Sepela gomme o amogele phodišo ya gago. Jesu Kriste o tla go dira o fole.

²⁷⁴ A o a dumela? Ke ba bakae ba dumelago gore Jesu o a swana maabane, lehono, le go ya go ile? A le a dumela O fa?

²⁷⁵ Bjale a nke ke le fe Lengwalo le lengwe. Jesu o rile, "Eyang lena ka lefaseng lohle gomme le rere Ebangedi go sebopiwa se sengwe le se sengwe. Yo a dumelago gomme a kolobetšwa o tla phološwa; yo a sa dumelelo o tla lahlwa. Maswao a a tla latela bona ba ba dumelago." A yeo ke nnete? "Leineng la Ka ba tla lelekela bodiabolo ntle. Ba tla bolela ka maleme a maswa. Ge ba ka swara disephente goba ba nwa dilo tše di bolayago, di ka se ba gobatše. Ge ba bea diatla tša bona godimo ga balwetši, ba tla welwa ke maruru." Ke ba bakae ba tsebago seo ke therešo?

²⁷⁶ Mantšu a Gagwe a mafelelo e bile eng ao a welego go tšwa go dipounama tša Gagwe ge A be a tšeelwa godimo? "Ge ba bea diatla tša bona godimo ga balwetši, ba tla welwa ke maruru." A yeo ke nnete? A le a e dumela? Ke badumedi ba bakae ba lego ka fa? A re boneng. Go lokile.

²⁷⁷ Bjale, ge le nyaka go bona mohlolo wa Modimo, dumelang gore se seo ke le botšago, gomme le se bona se bonagatšwa, ke Jesu Kriste. Gomme ka gona beanang diatla seng sa lena. E no beanang diatla seng sa lena. Ga go kgathale se e lego phošo, e no bea diatla tša gago godimo ga yo mongwe kgauswi le wena.

²⁷⁸ Bjale, le a bona, e no se be ya ka. Ke wena. "Maswao a," ga se a re, "a tla no latela William Branham." E rile, "A tla latela bona ba ba dumelago, ge ba bea diatla tša bona godimo ga balwetši."

²⁷⁹ Bjale a le kgotsofetše Jesu o a phela le magareng ga rena? E reng, "Amene." [Phuthego e re, "Amene."—Mor.] Gobaneng, Yena

a dirilego tshepišo o mo. Bjale rapelela motho yo o nago diatla tša gago godimo ga gagwe. Le a bona? O a ba rapelela. Le a bona? O se ke wa ithapelela ka bowena. O a ba rapelela, gobane ba a go rapelela. Le a bona? Bjale, o a tseba O fa. O dirile tshepišo. Gomme ge A ka ema ntle mo pele ga batho le go e tiišetša le go e netefatša, gore ke therešo, gona o e dumela ka pelo ya gago yohle.

²⁸⁰ Bjale ke ya go le rapelela bohle. Gomme ge le rapelelane seng sa lena, a re dumeleng bjale ka dipelo tša rena tšohle.

²⁸¹ Tate wa rena wa Legodimong, rena re, ka nnete, dipelo tša rena di thakgetše. O fa bošegong bjo. Ga go lefelo la go kokobela kudu, ga go lefelo le legolo kudu, ga go lefelo kgole kudu, eupša le O tla tlago go bana ba Gago ba ba dumelago. O Modimo yo mogolo wa Legodimong, O rometše Jesu Kriste ka sebopego sa Moya wo Mokgethwa, wo o lego mo bjale, le go itsebagatša Yenamong go swana maabane, lehono, le go ya go ile, gomme bana ba a e dumela. Ke ba file Lentšu la Gago. O tiišeditše Lentšu la Gago.

²⁸² Bjale go na le ba bantši ba babjago mo. Gomme ba—ba kgahlegile. Ba thabile. Ba na le diatla tša bona, badumedi ba, bana ba ba dumelago ba na le diatla tša bona di beilwe godimo ga ngwana wa bobona yo a babjago goba kgaetšedi. Ba a dumela. Ba rapelela monna goba mosadi. Gomme, Modimo, O dirile tshepišo. Ke Lentšu la Gago.

²⁸³ Bjale, bjalo ka mohlanka wa Gago, ke tliša tirelo ye go lefelo le leo rena, bjalo ka badumedi, re tlago go hlohla diabolo, gore o re forile go dikologa kudu ka fao a yago. Re a dumela gore Jesu Kriste o a swana maabane, lehono, le go ya go ile, gomme O a phela gomme o fa le rena bošegong bjo. Gomme re latela ditaelo tša Gagwe, ka go bea seatla sa rena godimo ga rena seng.

²⁸⁴ Sathane, ba tlemolle. Etšwa go bona, Leineng la Jesu Kriste. A nke batheeletši ba ba batho ba ye, bakeng sa letago la Modimo. Ba tlemolle, Sathane. Re a go leleka, ka Bogona bja Jesu Kriste, Yena yo a phelago, Morwa wa Modimo yo a tsogilego. Ba tlogele ba ye. Gomme etšwa go bona, bakeng sa letago la Modimo, Leineng la Jesu Kriste.

²⁸⁵ Motho yo mongwe le yo mongwe a lego gona, yoo, a ikwelago gore Jesu Kriste o bolokile Lentšu la Gagwe, gore O tlie magareng ga rena, gore O mo gobane O tshepišitše go ba mo! O mo le go itsebagatša Yenamong. Ke Morena Jesu wa go swana yo a sepetsego ka Galelia, gomme le a dumela gore O boloka Lentšu la Gagwe lohle. Gomme ka gobane yo mongwe, modumedi, o itsebagaditše yenamong le wena, ka go bea diatla tša gagwe godimo ga gago, go itsebagatša yenamong le Lentšu la Modimo, gore bjale o fodile. Gomme o ganetša Sathane go go swara gape. Tumelo ya gago e a tlemologa, go dumela gore Modimo o mo go boloka Lentšu la Gagwe.

²⁸⁶ Emang ka maoto a lena gomme le amogeleng phodišo ya lena. Bohle ba ba e dumelago, phagamelang godimo go maoto a lena. A go šegofatšwe Leina la Morena! Phagamišetšang diatla tša lena godimo gomme le Mo tumišeng, bjale. Le fodile Leineng la Jesu Kriste.

Go lokile, Tony, etla. 

63-0604 Jesu Kriste Wa Go Swana
Maabane, Lehono, Le Go Ya Go Ile
Ramada Inn
Tucson, Arizona U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org